


# 文獻通考

二百四十九之五十一



帝系

經籍

八十六

總集 文史

內閣文庫			
五	二	漢	
五	四		
函	一		
	二		
九	〇	書	
架	冊	號	類

內閣文庫			
二	二	漢	
四	四		
函	一		
	二		
三	〇	書	
四	冊	號	類

內閣文庫			
番號	漢	2430	
冊數	120 ( 87 )		
函號	294	3	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





文獻通考卷之二百四十九

鄱陽 馬端臨 貴與著

經籍攷

集 總集

江西詩派一百三十七卷續派十三卷




陳氏曰。黃山谷而下三十五卷。又曾絃曾思父子

詩。詳見詩集類。詩派之說。本於呂居仁。前輩多有

異論。觀者當自得之。

漁隱叢話。呂居仁近世以詩得名。自言傳衣江西。

常作宗派圖。自豫章以降。列陳師道。潘大臨。謝無





逸。洪芻。饒節。僧祖可。徐俯。洪朋。林敏修。洪炎。汪革。  
李錞。韓駒。李彭。晁冲之。江端本。楊符。謝邁。夏晁。林  
敏功。潘大觀。何顥。王直方。僧善權。高荷。合二十五  
人。以爲法嗣。謂其源流。皆出豫章也。其宗派圖序  
數百言。大略云。唐自李杜之出。焜耀一世。後之言  
詩者。皆莫能及。至韓柳孟郊張籍諸人。激昂奮厲。  
終不能與前作者並。元和以後。至國朝歌詩之作。  
或傳者多。依效舊聞。未盡所趣。惟豫章始大出而  
力振之。抑揚反覆。盡兼衆體。而後學者同作並和。  
雖體制或異。要皆所傳者一。予故錄其名字。以遺  
來者。余切謂山谷自出機杼。別成一家。清新奇巧。  
是其所長。若言抑揚反覆。盡兼衆體。則非也。元和  
至今。騷翁墨客。代不乏人。觀其英辭傑句。真能發  
明古人不到處。卓然成立者甚衆。若言多依效舊  
文。未盡所趣。又非也。所列二十五人。其間知名之  
士。有詩卷傳於世。爲時所稱者。止數人而已。其餘  
無聞焉。亦濫登其列。居仁此圖之作。選擇弗精。議  
論不公。余是以辯之。

後村劉氏總序曰。呂紫微作江西宗派。自山谷而  
下。凡二十六人。內何人表顯潘仲達。大觀有姓名。



而無詩。詩存者凡二十四家。王直方詩絕少無可采。餘二十三家。部帙稍多。今取其全篇佳者。或一聯一句。可諷詠者。或對偶工者。各著于編。以便觀覽。派中如陳后山。彭城人。韓子蒼。陵陽人。潘邠老。黃州人。夏均父。二林。鄞人。晁叔用。江子之。開封人。李商老。南康人。祖可。京口人。高子勉。京西人。非皆江西人也。同時如曾文清。乃贛人。又與紫微公以詩往還。而不入派。不知紫微去取之意。云何。惜當日無人以此叩之。後來誠齋出。誠得所謂活法。所謂流轉圓美如彈丸者。恨紫微公不及見耳。派詩

舊本以東萊居后山上。非是。今以繼宗派。庶不失紫微公初意。

輜軒集一卷

張氏曰。鄱陽洪皓。歷陽張邵。新安朱弁。使虜得歸。道間唱酬。邵爲之序。

古今絕句三卷

陳氏曰。吳說。傳朋。所書杜子美。王介甫詩。師禮之子。王令。逢原之外孫也。

玄真子漁歌碑傳集錄一卷

陳氏曰。玄真子漁歌。世止傳誦其西塞山前二章。



而已。嘗得其一時唱和諸賢之辭各五章。及南卓柳宗元所賦。通爲若干章。因以顏魯公碑述唐書本傳。以至近世用其詞入樂府者。集爲一編。以備吳興故事。

艇齋師友尺牘二卷

陳氏曰。南豐曾季狸。表父之師友。往復書簡。其子濰輯而刻之。自吊居仁。徐師川以降。下至淳熙乾道諸賢或在焉。表父蕭然布衣而名流敬愛之。若此。足以知其人之賢。且見當時風俗之美也。

贈灸集一卷

陳氏曰。朝請郎嚴煥刻於江陰。韓吏部而下雜文二十餘篇。

唐人絕句詩集一百卷

陳氏曰。洪邁景廬編。七言七十五卷。五言六言二十五卷。卷各百首。凡萬首。上之重華宮。可謂博矣。而多有本朝人詩在其中。如李九齡。郭震。滕白。王崑。王初之屬。其尤不深考者。梁何仲言也。

後村劉氏曰。野處洪公編唐人絕句。僅萬首。有一家數百首。並取不遺者。亦有複出者。疑其但取唐人文集雜說。令人抄類而成書。非必有所去取也。



唐絕句選五卷

陳氏曰。莆田柯夢得東海編。所選僅一百六十六首。去取甚嚴。然人之好惡。亦隨所見耳。

唐絕句選四卷

陳氏曰。倉部郎中福清林清之直父。以洪氏雜句抄取其佳者。七言一千二百八十。五言百五十六。六言十五首。

考德集三卷

陳氏曰。強至所集。韓魏公薨後。時賢祭文挽詩。

四家胡笳詞一卷

陳氏曰。蔡琰。劉商。王安石。李元白也。

選詩七卷

陳氏曰。文選中錄出別行。以人之時代爲次。

宏辭總類四十一卷。後集三十五卷。第三集十卷。第四集九卷。

陳氏曰。起紹聖乙亥。迄嘉定戊辰。皆刻於建昌軍學。相傳紹興中太守陸時雍所刻前集也。餘皆後人續之。戊辰以後。時相不喜此科。主司務以艱僻之題困試者。縱有記憶不遺。文采可觀。輒復推求小疵。以故久無中選者。初紹聖設科。但曰宏詞不



文獻通考 卷三百九 五  
試制誥止於表檄露布戒諭箴銘頌記序九種亦不用古題及大觀改曰詞學兼茂去戒諭及檄而益以制誥亦爲九種四題而二題以歷代故事及紹興始名以博學宏詞復益以誥贊檄爲十一種三日試六題各一今一古遂爲定制

古文關鍵二卷

陳氏曰呂祖謙所取韓柳歐蘇曾諸家文標抹註釋以教初學

迂齋古文標註五卷

陳氏曰宗正寺簿四明樓昉暘叔撰大略如呂氏

關欽而所取自史漢而下至於本朝篇目增多發

明尤精學者便之

歷代奏議十卷

陳氏曰呂祖謙集

國朝名臣奏議十卷

陳氏曰呂祖謙集凡二百篇

皇朝名臣奏議一百五十卷

陳氏曰丞相沂國忠定公趙汝愚編進時爲蜀帥自序曰恭惟我宋藝祖開基累聖嗣業深仁厚澤相傳一道若夫崇建三館增置諫員許給舍以封



還責侍從以獻納。復唐轉對之制。設漢方正之科。凡以廣聰明。容受讜直。海涵天覆。日新月益。得人  
之盛。高掩前古。逮至王安石爲相。務行新法。違衆  
自用。而患人之莫已從也。於是指老成爲流俗。謂  
公論爲浮言。屏棄忠良。一時殆盡。自是而後。諂諛  
之風盛。而朋黨之禍起矣。臣伏觀建隆以來。諸臣  
章奏。攷尋歲月。蓋最盛於慶曆元祐之際。而漸弊  
於熙寧紹聖之時。方其盛也。朝廷庶事。微有過差。  
則上自公卿大夫。下及郡縣小吏。皆得盡言。極諫。  
無所諱忌。其議論不已。則至於舉國之士。咸出死

力而爭之。當是時也。豈無不利於言者。謂其強聒  
取名。植黨于朝。期以搖動上心。然而聖君賢相。率  
善遇而優容之。故其治効卓然。士以增氣。及其弊  
也。朝廷有大黜陟。大政令。至無一人敢議論者。縱  
或有之。其言委曲畏避。終無以感悟人主之意。而  
獻諛者。遂以爲內外安靜。若無一事可言者矣。殊  
不知禍亂之機。發於所伏。今尚忍言哉。臣仰惟陛  
下。嘗命館閣儒臣。編類國朝文鑑。奏疏百五十六  
篇。猶病其大略。茲不以臣旣愚且陋。復許之。盡獻  
其言。萬幾餘間。特賜紬繹。推觀慶曆元祐諸臣。其



詞直其計從而見效如此熙寧紹聖諸臣其言切其人放逐而致禍如彼然則國家之治亂言路之通塞蓋可以鑒矣

續百家詩選二十卷

陳氏曰三衢鄭景龍伯允集以續曾慥前選凡慥所遺及在慥後者皆取之然其率略尤甚

江湖集九卷

陳氏曰臨安書坊所刻本取中興以來江湖之士以詩馳譽者而方惟深子通承平人物晁公武子止嘗為從官乃亦在其中其餘亦未免玉石蘭艾

混殺雜選然而士之不能自暴白於世者賴此以有傳書坊巧為射利未可以責備也

回文類聚三卷

陳氏曰桑世昌澤卿集以璇璣圖為本初而併及近世詩詞且以至道御製冠于篇首

送朱壽昌詩三卷

中興藝文志皇朝司農少卿朱壽昌生數歲而母嫁五十年不相知熙寧初棄官於同州求得之乃屈資求為蒲中倅士大夫作詩送之

江湖堂詩集一卷



中興藝文志。皇朝知洪州元積中詠其居。和者數十人。

世綵集三卷

中興藝文志。政和中廖剛曾祖母祖母年最高。皆及見五世孫。剛作堂名世綵以奉之。士大夫爲作詩。

滁陽慶曆集十卷。後集十卷

陳氏曰。朝散郎滁人徐徽仲元集。斷自慶曆以來。曾肇子開。紹聖中謫守爲之序。其後集則吳玘。張康朝。王彥恭所續。宣和四年。唐恪欽叟序之。未及

吳興。蓋又後人續入之爾。

吳興詩一卷

陳氏曰。熙寧中知湖州孫氏集。而不著名。以其時攷之。孫覺莘老也。

吳興分類詩集三十卷

陳氏曰。雪川倪祖義子由編。大抵以孫氏所集。大略而增廣之。且併及近時諸公之作。然亦病於太詳。祖議。齊齋之子少俊。該洽。仕未達。年五十以死。會稽掇英集二十卷。續集四十五卷。

陳氏曰。熙寧中郡守孔延之。程師孟相繼纂集。其



續集。則嘉定中汪綱俾郡人丁燧爲之。

潤州類集十卷

陳氏曰。監潤州倉曹曾收彥和纂。始東漢終南唐京口詩集十卷。續二卷。

陳氏曰。鎮江教授熊克集開寶以來詩文本二十卷。止刻其詩。又得二卷。自南唐而上。曾所遺者補八十餘篇。

永嘉集三卷。嘉禾詩一卷。

陳氏曰。並不知集者。

天台集二卷。別編一卷。續集三卷。

陳氏曰。初李庚子長集本朝人詩爲二卷未行。太守李兼孟達得之。又得郡士林師箴所集前代之作。爲賦二。詩二百。乃以本朝人詩爲續集。而併刻焉。別師箴之子表民所補也。

栢蒼集三卷。後集五卷。別集四卷。

陳氏曰。郡人吳飛英。陳百朋。相繼纂輯。

釣臺新集六卷。續集十卷。

陳氏曰。郡人王粵集。續者。郡守謝得輿子上也。長樂集十四卷。

陳氏曰。福建提刑吳興俞尙集。宣和三年序。



清漳集三十卷

陳氏曰。通判漳州趙不敵編

揚州詩集二卷

陳氏曰。教授馬希孟編。元豐四年。秦觀作序

少游序略曰。鮮于公領州事之二年。命教授馬君

採諸家之集而次之。又搜訪於境內。簡編碑板亡

缺之餘。凡得古律詩。洎箴賦。合二百二篇。勒為三

卷。號揚州集。按禹貢。淮海惟揚州。則江湖之間。盡

其地。自漢以來。既置刺史。於是稱揚州者。往往指

其刺史所治而已。漢以來。刺史無常治。或歷陽壽

春曲阿。合肥。建業。而江左復以會稽為東。揚州自

隋以後。始治廣陵。此集之作。自魏文帝詩而下。在

當時。雖非揚州。而實今之廣陵者。皆取之。其非廣

陵。而當時為揚州者。皆不復取云

宣城集三卷

陳氏曰。知宣州安平劉涇。元符三年序

南州集十卷

陳氏曰。太平州教授林楠子長集

南紀集五卷

陳氏曰。知漢陽軍于寔。教授施士衡編。其後集則



教授輩豐也

湘江集三卷

陳氏曰。不知何人集。湘江者。韶州曲江別名。良嶽集一卷。

陳氏曰。不知集者。其首則御製記文也。

桃花源集二卷。又二卷。

陳氏曰。紹聖丙子。四明田莘序。淳熙庚子。縣令趙彥琇重編。合爲一卷。下卷則淳熙以後所續。

東樓紀述三卷。琵琶亭詩一卷。東陽紀詠四卷。

陳氏曰。俱不知集者。

盤洲編二卷

陳氏曰。洪丞相适兄弟子姪。所賦園池詩也。

瓊野錄一卷

陳氏曰。學士洪邁園池記述題詠。其曰瓊野者。從維揚得瓊花植之而生。遂以名園。

清暉閣詩一卷

陳氏曰。史正志創閣於金陵。僚屬皆賦詩。

會稽紀詠六卷

陳氏曰。汪綱仲舉帥越。多所修剏。嚴陵洪漢。每事爲一絕。賡者四人。曰張漫。王楙。程震龍。馮大章。又



有諸葛興為古詩二十篇

蕭秋詩集一卷

陳氏曰。玉山徐文卿斯遠作蕭秋詩。四言九章章四句。趙蕃昌甫而下。和者十三人。紹熙辛亥也。趙汝談履常亦與焉。後三十三年。嘉定癸未。乃序而刻之。文卿晚第進士。未注官而死。有詩見江湖集。唐山集一卷。後集三卷。

陳氏曰。卞園宋攸編。唐山者。臨安昌化縣也。

後典麗賦四十卷

陳氏曰。金華唐仲友與政編。仲友以詞賦稱於時。

此集自唐末以及本朝盛時名公所作皆在焉。止於紹興間。有王戊集。典麗賦九十三卷。故此名後典麗賦。王氏集未見。

指南賦箋五十五卷。指南賦經八卷

陳氏曰。皆書坊編集時文。止於紹熙以前。

指南論十六卷。又本前後二集。四十六卷

陳氏曰。淳熙以前時文。

擢犀策一百九十六卷。擢象策一百六十八卷

陳氏曰。擢犀者。元祐宣政以及建紹初年時文也。

擢象則紹興末。大抵科舉場屋之文。愈降愈下。後



文獻通考 卷百四十九  
生亦不復知前輩之舊作。姑存之以觀世事。

文章正宗二十卷

陳氏曰。叅知政事真德秀希无撰。自序正宗云者。以後世文詞之多變。欲學者識其源流之正也。自昔集錄文章。若杜預摯虞諸家。往往湮沒不傳。今行於世者。惟梁昭明文選。姚鉉文粹而已。繇今眡之。二書所錄。果得源流之正乎。故今所集。以明義理。切世用爲主。其體本乎古。而指近乎經者。然後取焉。否則辭雖工。亦不錄。其目凡四。曰辭命。曰議論。曰叙事。曰詩賦。去取甚嚴。

序辭命曰。書之諸篇。聖人筆之於經。不當與後世文辭同錄。獨取春秋內外傳。所載周天子諭告諸侯之辭。列國往來應對之辭。下至兩漢詔冊而止。蓋魏晉以降。文辭猥下。無復深淳溫厚之指。至偶儷之作興。而去古益遠矣。學者欲知王言之體。當以書之誥誓命爲之主。而叅之以此篇。則所謂正宗者。庶可識矣。

序議論曰。六經語孟。聖賢大訓。不當與後之作者同錄。而獨取春秋內外傳。所載諫爭論說之辭。先漢以後。諸臣所上書疏封事之屬。以爲議論之首。



他所纂述。或發明義理。或敷析治道。或褒貶人物。以次而列焉。

序叙事曰。今於書之諸篇。與史之紀傳。皆不復錄。獨取左氏史漢叙事之可喜者。與後世記序傳誌之典則簡嚴者。以爲作文之式。若夫有志於史筆者。自當深求春秋大義。而參之遷固諸書。非此所能該也。

序詩歌曰。朱文公嘗言古今之詩。凡三變。蓋自書傳所記。虞夏以來。下及漢魏。自爲一等。自晉宋間。顏謝以後。下及唐初。自爲一等。自沈宋以後。定著

律詩。下及今日。又爲一等。然自唐初以前。其爲詩者。固有高下。而法猶未變。至律詩出。而後詩之古法。始爲大變矣。故嘗欲抄取經史諸書所載韻語。下及文選古詩。以盡乎郭景純陶淵明之作。自爲一編。而附于三百篇楚辭之後。以爲詩之根本準則。又於其下二等之中。擇其近於古者。各爲一編。以爲之羽翼輿衛。其不合者。則悉去之。不使其接於胸次。要使方寸之中。無一字世俗語言意思。則其爲詩。不期於高遠。而自高遠矣。今惟虞夏二歌。與三百五篇不錄外。自餘皆以文公之言爲準。而



拔其尤者列之。此篇律詩雖工。亦不得與。若箴銘頌贊。郊廟樂歌。琴操。皆詩之屬。間亦采摛一二。以附其間。至於詞賦。則有文公集註。楚辭後語。今亦不錄。或曰。此編以明義理為主。後世之詩。其有之乎。曰。三百五篇之詩。其正言義理者無幾。而諷諾之間。悠然得其性情之正。卽所謂義理也。後世之作。雖未可同日而語。然其間寄興高遠。讀之使人忘寵辱。去鄙吝。翛然有自得之趣。而於君親臣子大義。亦時有發焉。其爲性情心術之助。反有過於他文者。蓋不必顯言性命。而後爲關於義理也。讀者。以是求之。斯過半矣。

後村劉氏曰。文章正宗。初蒙西山先生以詩歌一門。屬余編類。且約以世教民彝爲主。如仙釋閨情宮怨之類。皆勿取。予取漢武帝秋風辭。西山曰。文中子亦以此詞爲悔心之萌。豈其然乎。意不欲收。其嚴如此。然所謂携佳人兮不能忘之語。蓋指公卿扈從者。似非爲後宮設。凡余所取。而西山去之者。大半又增入陶詩甚多。如三謝之類。多不收。

集 文史

文心雕龍十卷



晁氏曰。晉劉勰撰評自古文章得失。別其體製。凡五十篇。各係之以贊云。余嘗題其後曰。世之詞人。刻意文藻。讀書多滅裂。杜牧之以龍星爲真龍。王摩詰以去病爲衛青。昔人譏之。然亦不足怪。蓋詩賦或率爾之作。故也。今勰著書垂世。自謂嘗夢執丹漆器。隨仲尼南行。其自負亦不淺矣。觀其論說。篇論語以前。經無論字。六韜三論。後人追題。是殊不知書有論道經邦之言也。其踈略殊過於王杜矣。

陳氏曰。勰後爲沙門名慧地。

文章緣起一卷

陳氏曰。梁太常卿樂安任昉彥昇撰。但取秦漢以來。不及六經。

詩品三卷

陳氏曰。梁記室叅軍。潁川鍾嶸仲偉撰。以古今作者爲三品而評之。上品十一人。中品三十九人。下品六十九人。

金鍼詩格三卷

晁氏曰。唐白居易撰。居易自謂與劉禹錫元稹皆以詩知名。撮詩之體要爲一格。病得鍼而愈。詩亦



文獻通考 卷三百九十九 十七  
猶是也。故曰金鍼集

詩格一卷

陳氏曰。稱魏文帝而所述詩。或在沈約後。其為假託明矣。

詩格一卷

詩中密旨一卷

陳氏曰。唐王昌齡撰

評詩格一卷

陳氏曰。唐李嶠撰。嶠在昌齡之前。而引昌齡詩格八病。亦未必然也。

二南密旨一篇

陳氏曰。唐賈島撰。凡十五門。恐亦依託

文苑詩格一卷

陳氏曰。稱白氏尤非也

詩式五卷 詩議一卷

陳氏曰。唐僧皎然撰。以十九字括詩之體

風騷指格一卷

陳氏曰。唐僧齊己撰

詩格一卷

陳氏曰。沙門神彧撰

處囊訣一卷



文獻通考 卷三百九  
陳氏曰金華僧保暹撰

流類手鑑一卷

陳氏曰僧虛中撰

詩評一卷

陳氏曰桂林僧 淳撰

擬皎然十七字一卷

陳氏曰稱正字王玄撰不知何人

炙轂子詩格一卷

陳氏曰唐王獻撰

句圖一卷

陳氏曰唐李洞撰

唐詩主客圖一卷

陳氏曰唐張爲撰所謂主者白居易孟雲卿李益  
鮑溶孟郊武元衡各有標目餘有升堂及門入室  
之殊皆所謂客也近世詩派之詩殆出於此要皆  
有未然者

文章玄妙一卷

陳氏曰唐任藩言作詩聲病對偶之類凡世所傳  
詩格大率相似余嘗書其末云論詩而若此豈復  
有詩矣唐末詩格汗下其一時名人著論傳後乃



爾欲求高尚。豈可得哉。

修文要訣一卷

晁氏曰。偽蜀馮鑑撰。雜論為文體式。評其誤謬。以

文訓初學云。

緣情手鑑詩格一卷

陳氏曰。題樵人李弘宣撰。未詳何人。當在五代前

詩格要律一卷

陳氏曰。進士王夢簡撰。

風騷要式一卷

陳氏曰。徐衍述。亦未詳何人。

琉璃堂墨家圖一卷

陳氏曰。不著名氏。

雅道機要二卷

陳氏曰。前卷不知何人。後卷稱徐寅撰。

詩評一卷

陳氏曰。不知何人。

御製句圖一卷

陳氏曰。太宗皇帝所選楊徽之詩十聯。真宗皇帝

所選送劉琮詩八篇。

楊氏筆苑句圖一卷續一卷

文獻通考

卷三百四十六

七



陳氏曰。黃鑑編。蓋楊億大年之所嘗舉者。皆時賢佳句。續者不知何人。亦大年所書唐人句也。所錄李義山唐彥謙之句爲多。崑體蓋出二家。惠崇句圖一卷。

陳氏曰。僧惠崇所作。

孔中丞句圖一卷。

陳氏曰。中丞者。或是孔道輔耶。

雜句圖一卷。

陳氏曰。不知何人所集。皆本朝人詩也。自魏文帝詩格而下二十七家。皆已見吟窻雜詠。

金鍼詩格一卷。

晁氏曰。梅堯臣聖俞撰。聖俞遊廬山宿西林。與僧希白談詩。因廣樂天所述云。

陳氏曰。二金鍼。大抵皆假託也。

吟窻雜詠三十卷。

陳氏曰。莆田蔡傳撰。君謨之孫也。取諸家詩格詩評之類。集成之。又爲吟譜。凡魏晉而下能詩之人。皆略具本末。總爲此書。麻沙嘗有刻本。節略不全。李公詩苑類格三卷。

晁氏曰。李淑撰。寶元三年。豫王出閣。淑爲王子傳。



因纂成此書上之。述古賢作詩體格。總九十目。  
林和靖摘句圖一卷

陳氏曰。林逋詩句。

詩三話一卷

陳氏曰。無名氏。

詩話一卷

晁氏曰。歐陽修永叔撰。脩退居汝陰。戲作此以資  
談笑。

續詩話一卷

晁氏曰。司馬光君實撰。序云。詩話尚有遺者。歐公

文章聲名。雖不可及。然記事一也。故敢續之。

中山詩話三卷

晁氏曰。劉攽貢父撰。多及蘇梅歐石。攽以博學名  
世。如言蕭何。未嘗掾工曹。亦有誤謬。

東坡詩話二卷

晁氏曰。蘇軾號東坡居士。雜書有及詩者。好事者  
因集之。成二卷。

居山詩話二卷

晁氏曰。陳師道無已撰。論詩七十餘條。

潛溪詩眼一卷



晁氏曰范溫元實撰溫祖禹之子學詩於黃庭堅歸叟詩話六卷

晁氏曰王直方立之撰直方自號歸叟元祐中蘇子瞻及其門下士以盛名居北門東觀直方世居浚儀有別墅在城南殊好事以故諸公亟會其家由是得聞緒言餘論因輯成此書然其間多以已意有所抑揚頗失是非之實宣和末京師書肆刊刻鬻之羣從中以其多記從父詹事公語言得之以呈公公覽之不懌曰皆非我語也

茗溪漁隱曰王直方詩話載晁以道云說之初見東坡詠梅西江月詞便知道此老須過海只爲言今人不曾道到此須罰教去此言鄙俚近於忌人之長幸人之禍直方無識載之詩話寧不畏人之譏誚乎

杜詩刊誤一卷

晁氏曰皇朝王仲至撰

韓文辨證八卷

晁氏曰洪興祖討論韓愈詩文推考其根源以訂正其訛謬頗爲該博云

韓柳文章譜三卷



晁氏曰。皇朝黃大輿撰大輿之意。以為文章有莊老之異。故取韓愈柳宗元文章為三譜。其一取其詩文中。官次年月可攷者。次第先後著其初晚之異也。其一悉取其詩文比叙之。其一列當時君相於上。以見二人之出處極為詳悉。

天厨禁臠三卷

晁氏曰。釋惠洪撰。論諸家詩格。

石林詩話二卷

陳氏曰。葉夢得撰。

續詩話一卷

陳氏曰。無名氏撰。

許彥周詩話一卷

陳氏曰。襄邑許顛撰。

四六談塵一卷

陳氏曰。謝伋景思撰。

四六話一卷

陳氏曰。王銍性之撰。

四六餘話一卷

陳氏曰。楊困撰。未詳何人。視前二家為汎雜。

艇齋詩話一卷



陳氏曰曾季狸表父撰

賦門魚鑰十五卷

陳氏曰進士馬偁撰集唐蔣防而下至本朝宋祁諸家律賦格訣

賓朋宴語三卷

陳氏曰太子中舍致仕費溪丘昶孟陽撰南唐進士歸朝宰數邑著此書十五篇叙唐以來詩賦源流天禧辛酉鄧賀爲序

西清詩話三卷

陳氏曰題無名子撰或曰蔡條使其客爲之也

環溪詩話一卷

陳氏曰臨川吳沆集

韻語陽秋二十卷

陳氏曰葛立方撰

漁隱叢話六十卷後集四十卷

陳氏曰新安胡仔无任撰待制舜陟之子居湖州自號著溪漁隱

碧溪詩話十卷

陳氏曰莆田黃徹常明撰

續廣本事詩五卷



陳氏曰。聶奉先撰。雖曰廣孟啓之舊。其實集詩話

耳

山陰詩話一卷

陳氏曰。李兼孟達撰

諸家老杜詩評五卷續一卷

陳氏曰。莆田方深道集

選詩句圖一卷

陳氏曰。高似孫編

杜詩發揮一卷

陳氏曰。金華杜旃仲高撰

觀林詩話一卷

陳氏曰。楚東吳律子書撰。未詳何人

文說一卷

陳氏曰。南城包揚顯道錄朱侍講論文之語

黃帝少典之子。姓公孫。名軒。生於壽丘。神農氏世  
其諸侯。相侵伐。出虎。最暴。黃帝徵師。諸侯擒殺。黃尤  
諸侯尊貴。帝為天子。在位百年。崩。年百一十歲。



文獻通考卷之二百五十五

陳氏曰李養孟述撰

南家老杜詩評五卷續一卷

陳氏曰海田方深述撰

刺刃曰南姓何尉驪並錄未詳蕭簡文之語

文苑一卷

刺刃曰焚東吳軒千書與未詳何人

購林精語一卷

文獻通考卷之二百五十五

鄱陽 馬端臨 貴與 著

帝系考

帝號歷年

黃帝少典之子。姓公孫。名軒轅。生於壽丘。神農氏世衰。諸侯相侵伐。蚩尤最暴。黃帝徵師諸侯。擒殺蚩尤。諸侯尊黃帝為天子。在位百年。崩。年百一十歲。

帝顓頊。高陽黃帝之孫。昌意之子。繼黃帝為天子。在位七十八年。崩。年九十八歲。

帝嚳。高辛黃帝之曾孫。玄囂之孫。蟠極之子。繼顓頊。



文獻通考 卷三十五  
為天子。在位七十年崩。年百五歲。

帝堯。帝嚳之子。姓伊祁。名放勳。帝嚳崩而長子摯代立。封堯為唐侯。帝摯立不善。在位九年。唐侯德盛。乃禪位于唐侯。堯以甲辰即位。都平陽。號陶唐氏。在位七十年。薦舜攝政。又二十八年崩。在位九十八年。壽一百一十八。首甲辰 盡癸未

帝舜。顓頊七世孫。瞽叟之子。姓姚氏。名重華。年三十堯舉之。年五十攝行天子事。年五十八堯崩。年六十一。以丙戌歲代堯踐帝位。都蒲阪。號有虞氏。三十一年。以丁巳歲禪于禹。又八年崩。壽一百歲。首丙戌 盡癸亥

○

夏禹。顓頊之孫。鯀之子。姓姁氏。名文命。治水有功。舜使宅百揆。年七十三。以丁巳歲受舜禪。即天子位。都平陽安邑。在位二十七年。癸未崩。壽百歲。

啓。禹子。以甲申嗣位。九年壬辰崩。

太康。啓子。以癸巳嗣位。二十九年辛酉。以盤遊無度。為有窮后羿距于河。失邦而崩。

仲康。太康子。以壬戌嗣位。十三年甲戌崩。

帝相。仲康子。以巳亥嗣位。二十八年壬寅。為羿所弑。寒浞殺羿并滅相。相之臣靡逃于有鬲氏。相之后還于有仍氏。生少康。至四十一年壬午。靡自有鬲氏滅。



寒浞而立少康

少康相子以壬午滅寒浞嗣立二十二年癸卯崩

帝杼少康子以甲辰嗣立十七年庚申崩

帝槐杼子以辛酉嗣立二十六年丙戌崩

帝芒槐子以丁亥嗣立十八年甲辰崩

帝泄芒子以乙巳嗣立十六年庚申崩

帝不降泄子以辛酉嗣立五十九年己未崩

帝扈不降子以庚申嗣立二十一年庚辰崩

帝廑扈子以辛巳嗣立二十一年辛丑崩

帝孔甲廑子以壬寅嗣立三十一年壬申崩

帝皐孔甲子以癸酉嗣立十一年癸未崩

帝發皐子以甲申嗣立十九年壬寅崩

帝履發是爲桀以癸卯嗣立四十三年乙未以失道

爲殷湯所伐戰于鳴條師敗湯放之南巢夏亡

右夏一十七世共四百五十九年首丁巳盡乙未

內寒浞篡位四十一年

殷湯契之十四世孫姓子氏名履以夏桀之三十五

年丁丑卽諸侯位自商丘徙都亳以乙未伐桀滅夏

卽天子位十三年丁未崩壽百歲

太甲湯孫以戊申嗣立三十三年庚辰崩



沃丁。太甲子。以辛巳歲嗣立。二十九年巳酉崩。

太庚。沃丁弟。以庚戌嗣立。十五年甲戌崩。

小甲。太庚子。以乙亥嗣立。十七年辛卯崩。

雍巳。小甲弟。以壬辰嗣立。十一年癸卯崩。

太戊。雍巳弟。以甲辰嗣立。七十五歲戊午崩。

仲丁。太戊子。以巳未嗣立。十三年辛未崩。

外壬。仲丁弟。以壬申嗣立。十五年丙戌崩。

河亶甲。外壬弟。以丁亥嗣立。九年乙未崩。

祖乙。河亶甲子。以丙申嗣立。十九年甲寅崩。

祖辛。祖乙子。以乙卯嗣立。十六年庚午崩。

沃甲。祖辛弟。以辛未嗣立。二十五年乙未崩。

祖丁。沃甲兄。以丙申嗣立。三十二年丁卯崩。

南庚。沃甲子。以戊辰嗣立。二十五年壬辰崩。

陽甲。祖丁子。以癸巳嗣立。七年巳亥崩。

盤庚。陽甲弟。以庚子嗣立。二十八年丁卯崩。

小辛。盤庚弟。以戊辰嗣立。二十一年戊子崩。

小乙。小辛弟。以巳丑嗣立。二十八年丙辰崩。

武丁。小乙子。以丁巳嗣立。五十九年卯崩。

祖庚。武丁弟。以丙辰嗣立。七年壬戌崩。

祖甲。祖庚弟。以癸亥嗣立。三十三年乙未崩。



虞辛。祖甲子。以丙申嗣立。六年辛丑崩。  
庚丁。康辛弟。以壬寅嗣立。二十一年壬戌崩。  
武乙。庚丁子。以癸亥嗣立。四年丙寅崩。  
太丁。武乙子。以丁卯嗣立。三年巳巳崩。  
帝乙。太丁子。以庚午嗣立。三十七年丙午崩。  
受辛。帝乙子。是為紂。以丁未嗣立。無道。三十二年戊寅。周武王伐之。戰于牧野。師敗。受死。殷亡。

右殷二十八世。共六百四十五年。首乙未。盡戊寅。  
周武王后稷十六世孫。文王之子。姓姬氏。名發。以商紂二十三年巳巳。嗣為西伯。至巳卯。勝殷。殺受。即天

子位。七年乙酉崩。壽九十三。

成王。名誦。武王子。以丙戌嗣立。三十七年壬戌崩。歲四十四歲。

康王。名釗。成王子。以癸亥嗣立。二十六年戊子崩。

昭王。名瑕。康王子。以巳丑嗣立。五十一年巳卯崩。

穆王。名滿。昭王子。以庚辰嗣立。五十五年甲戌崩。

共王。名繄。穆王子。以乙亥嗣立。十二年丙戌崩。

懿王。名躋。共王子。以丁亥嗣立。二十五年辛亥崩。

孝王。名辟方。共王弟。以壬子嗣立。十五年丙寅崩。

夷王。名燮。懿王子。以丁卯嗣立。十六年壬午崩。



厲王名胡。夷王子。以癸未嗣立。三十七年。無道爲國人所逐。出奔。

周召二伯行政。謂之共和。十五年。癸酉崩于彘。

宣王名靜。厲王子。以甲戌嗣立。四十六年。己未崩。

幽王名宮涅。宣王子。以庚申嗣立。無道。十一年。庚午。爲犬戎所伐。敗死。

平王名宜舊。幽王子。以辛未嗣立。五十一年。辛酉崩。

桓王名林。平王孫。以壬戌嗣立。二十三年。甲申崩。

莊王名佗。桓王子。以乙酉嗣立。十五年。己亥崩。

釐王名胡齊。莊王子。以庚子嗣立。五年。甲辰崩。

惠王名闋。釐王子。以乙巳嗣立。二十五年。己巳崩。

襄王名鄭。惠王子。以庚午嗣立。三十二年。壬寅崩。

頃王名壬臣。襄王子。以癸卯嗣立。六年。戊申崩。

匡王名班。頃王子。以己酉嗣立。六年。甲寅崩。

定王名瑜。匡王弟。以乙卯嗣立。二十一年。乙亥崩。

簡王名夷。定王子。以丙子嗣立。十四年。己丑崩。

靈王名泄心。簡王子。以庚寅嗣立。二十七年。丙辰崩。

景王名貴。靈王子。以丁巳嗣立。二十五年。辛巳崩。子

猛立。爲悼王。王子朝殺猛代立。晉逐子朝。立。

敬王名丐。景王子。以壬午嗣立。四十四年。乙丑崩。



元王名在敬王子以丙寅嗣立六年辛未崩

貞定王名介元王子以壬申嗣立二十八年己亥崩

太子去疾立為哀王王叔襲殺之代立為思王

思王以庚子嗣立為其弟少隗所殺

考 考王名少隗以辛丑嗣立十六年乙卯崩

威烈王名干考王子以丙辰嗣立二十四年己卯崩

安王名驕威烈王子以庚辰嗣立二十六年乙巳崩

烈王名喜安王子以丙午嗣立七年壬子崩

顯王名扁烈王弟以癸丑嗣立四十八年庚子崩

慎靚王名定顯王子以辛丑嗣立六年丙午崩

赧王名延慎靚王子以丁未嗣立五十九年乙巳為

秦所攻王奔秦盡獻其邑三十六秦受之是歲王崩

周亡

右周三十七世共八百六十七年首己卯盡乙巳

內共和行政十五年

自周亡至秦始皇滅六國稱皇帝以前首丙午盡

己卯共三十四年

○秦始皇伯翳之後莊襄王之子母呂不韋姬姓嬴氏

名政以周亡後九年甲寅嗣立為秦王立二十六年

庚辰盡滅六國稱始皇帝後十二年辛卯崩



二世皇帝。名胡亥。始皇少子。以壬辰嗣立。三年甲午。為趙高所殺。立二世兄子嬰。乙未。漢高祖入秦。子嬰降秦。亡。

右秦二世。共十五年。首庚辰。盡甲午。

○漢太祖高皇帝沛豐邑中陽里人。姓劉氏。名邦。父太公。母媪。以秦二世元年壬辰。年三十起兵。為沛公。乙未入關。滅秦。為漢王。五年己亥。滅項籍。即皇帝位。都長安。十二年丙午崩。壽五十三。

孝惠皇帝。名盈。高祖太子。母呂后。以丁未嗣立。時年十七。在位七年。癸丑崩。壽二十四。呂太后取後宮子。以為帝子。立之。太后臨朝稱制。九年辛酉。呂后崩。諸呂作亂。大臣誅之。立文帝。

太宗孝文皇帝。名恒。高祖中子。母薄姬。年五歲。立為代王。二十三歲辛酉。大尉周勃等迎立為皇帝。在位二十三年。甲申崩。四十四。

孝景皇帝。名啓。文帝太子。母竇皇后。三十二歲乙酉。嗣位。在位十六年。庚子崩。壽四十八。

世宗孝武皇帝。名徹。景帝中子。母王美人。十六歲嗣立。在位五十四年。甲午崩。壽七十一。

改元十一

建元六  
元狩六

元光六  
元鼎六

元朔六  
元封六



太初四 天漢四 太始四  
征和四 後元二

孝昭皇帝名弗武帝少子母趙婕妤八歲己未嗣立  
在位十三年丁未崩壽二十二

改元三 始元六 元鳳六  
元平一

中宗孝宣皇帝名詢武帝曾孫戾太子孫史皇孫子  
母王夫人昭帝崩無嗣大將軍霍光立昌邑王賀賀  
無道廢之更立帝時年十八丁未嗣立在  
位二十五年壬申崩壽四十三

改元七 本始四 地節四 元康四  
神爵四 五鳳四 甘露四  
黃龍一

高宗孝元皇帝名奭宣帝太子母許皇后年二十七  
癸酉嗣立。在位十六年戊子崩壽四十三

改元四 初元五 永光五  
建昭五 竟寧

孝成皇帝名騫元帝太子母王皇后年二十己丑嗣  
立。在位二十六年甲寅崩壽四十六

改元七 建始四 河平四 陽朔四  
鴻嘉四 永始四 元延四  
綏和二

孝哀皇帝名欣元帝庶孫定陶恭王子母丁姬成帝  
無子立為太子年二十乙卯嗣立。在位六年庚申崩  
壽二十六



改元二

建平四  
元壽二

孝平皇帝。名衍。元帝庶孫。中山孝王子。母衛姬。哀帝崩無子。太皇太后遣使迎立之。年九歲。丙辰嗣立。在位五年。乙丑為王莽所鳩崩。壽十四。

改元一

元始五

王莽立孺子嬰。自為攝皇帝。三年至戊辰。莽篡位。右西漢十一帝。共二百一十四年。始乙未。盡戊辰。王莽以巳巳篡位。稱新室。十五年癸未。為漢兵所誅。淮陽王劉玄立。二年。為赤眉所滅。莽玄共十六年。平帝各與宣帝太子共計。二十六年。

改元四

建國五  
地皇三  
天鳳六  
更始三

東漢世祖光武皇帝。名秀。南陽人。高祖九世孫。父南頓令欽。帝以王莽篡位之十四年壬午起兵。乙酉即皇帝位。遷都洛陽。時年二十九。在位三十三年。丁巳崩。壽六十二。

改元二

建武三十一  
中元二

顯宗孝明皇帝。名莊。光武第四子。母陰皇后。年三十。以戊午嗣立。在位十八年。乙亥崩。壽四十八。

改元一

永平十八

肅宗孝莊皇帝。名炟。顯宗第五子。母賈貴人。年十九。



以丙子嗣立。在位十四年。戊子崩。壽三十三。

改元三

建初八 元和二  
章和二

孝和皇帝。名肇。肅宗第四子。母梁貴人。年十歲。以已

丑嗣位。在位十七年。乙巳崩。壽二十七。

改元二

永元十六  
元興二

孝殤皇帝。名隆。和帝少子。生始百日。嗣立。丙午崩。壽

三歲。

改元一

建平元

恭宗。孝安皇帝。名祐。肅宗孫。父清河孝王。母左姬。殤  
帝崩。太后立。為孝和皇帝。嗣。年十三。以丁未嗣立。在

位十九年。乙丑崩。壽三十二。

改元五

永初七 元初六 永寧一  
建光一 延光四

孝順皇帝。名保。安帝子。母李氏。年十一。以丙寅嗣立。

在位十九年。甲申崩。壽三十。

改元五

永建六 陽嘉四 永和六  
漢安二 建康一

孝冲皇帝。名炳。順帝子。母虞貴人。年二歲。以乙酉嗣

立。一年崩。壽三歲。

改元一

永嘉元

孝質皇帝。名讚。肅宗玄孫。父渤海孝王。母陳夫人。冲  
帝崩。皇太后詔嗣立。時年八歲。在位一年。為梁冀所



鳩崩年九歲

改元一

本初元

孝桓皇帝名志。肅宗曾孫。父蠡吾侯翼。母偃氏。質帝崩。太后與梁冀迎立之。年十五歲。以丁亥嗣立。在位二十一年。丁未崩。壽三十六。

改元七

建和三 和平一 元嘉一  
永興二 永壽三 延壽九  
永康一

孝靈皇帝名宏。肅宗玄孫。父解瀆亭侯董夫人。桓帝崩。無子。皇太后迎立之。時年十二。以戊申嗣立。在位二十一年。戊辰崩。壽三十四。

改元四

建寧四 熹平六  
光和六 中平六

孝獻皇帝名協。靈帝中子。母王美人。靈帝崩。董卓廢少帝為弘農王。立帝。年九歲。以巳巳嗣立。在位三十二年。以庚子禪位于魏。後十三年壬子崩。壽五十四。

改元四

初平四 興平二 建安二十四  
延康一

右東漢十二帝。共一百九十六年。首乙酉。盡庚子。蜀漢昭烈皇帝名備。涿郡涿縣人。景帝子。中山靖王勝之後。父弘。以建安十九年甲午取蜀。二十四年巳亥稱漢中王。辛丑即皇帝位。三年癸卯崩。壽六十三。

改元一

章武三



後主名禪昭烈帝子年十二以甲辰嗣立。在位四十一年。為魏所滅。

改元四 建興十五 延熙二十 景耀六 炎興元

右蜀漢二帝共四十三年。首辛丑盡癸未。

○魏文帝沛國譙人。姓曹氏。名丕。武王太子。以庚子受漢禪。即皇帝位。時年三十三。在位七年。丙午崩。壽四

十

改元一

明皇帝名叡。文帝太子。年二十二。以丁未嗣立。在位十三年。已未崩。壽三十五。

改元三 太和六 青龍四 景初三

齊王名芳。明帝養為子。年九歲。以庚申嗣立。在位十四年。癸酉為司馬師所廢。時年二十三。

改元二 正始九 嘉平五

高貴鄉公名髦。文帝孫。東海定王霖子。司馬師既廢齊王。迎立之。年十四。以甲戌嗣立。在位六年。已卯。以討司馬昭不克。遇弒。年二十。

改元二 正光二 甘露四

陳留王名奐。武帝孫。燕王宇子。司馬昭既弒高貴鄉公。迎立之。年十五。以庚辰嗣立。在位五年。乙酉。禪于



晉

改元二

景元四  
咸熙五

右魏五帝共四十六年。首庚子盡乙酉。

○晉世祖武皇帝。河內溫縣孝敬里人。姓司馬氏。名炎。宣王之孫。文王之子。以乙酉受魏禪。即皇帝位。時年二十九。在位二十六年。庚戌崩。壽五十五。

改元三

太始十  
太康十  
咸寧五

孝惠皇帝名衷。武帝第三子。以庚戌嗣立。時年三十一。在位十七年。丙寅崩。壽四十八。

改元七

永熙一  
永康九  
永寧一  
太安二  
永興一  
永興二

光熙一

孝懷皇帝名熾。武帝第二十五子。惠帝時立為皇太子。帝崩。以丙寅嗣立。時年二十三。在位五年。辛未。劉曜。石勒兵陷洛陽。蒙塵于平陽。壬申遇害。壽三十。

改元一

永嘉五

孝愍皇帝。名鄴。武帝孫。吳孝王晏之子。洛陽傾覆。奔長安。眾推為太子。懷帝崩。以癸卯即位。時年十三。在位四年。丙子。劉曜陷長安。丁丑遇害。壽十八。

改元一

建興四

右西晉四帝共五十二年。首乙酉盡丙子。



元皇帝名睿。宣帝曾孫。瑯琊恭王觀之子。襲封。鎮建  
鄴。愍帝遇害。以丁丑嗣立。時年四十一。在位六年。壬  
午崩。壽四十七。

改元三

建武一 太興四  
永熙一

明皇帝名紹。元帝太子。以癸未嗣立。時年二十四。在  
位三年。乙酉崩。壽二十七。

改元一

太寧三

成皇帝名衍。明帝太子。以丙午嗣立。時年五歲。在位  
十七年。壬寅崩。壽二十二。

改元二

咸和九  
咸康八

庾皇帝名喆。成帝母弟。以癸卯嗣立。時年二十。在位

二年。甲辰崩。壽二十二。

改元一

建元二

穆皇帝名聃。康帝子。以乙巳嗣立。時年三歲。在位十

七年。辛酉崩。壽十九。

改元二

永和十二  
升平五

哀皇帝名丕。成帝子。以壬戌嗣立。時年二十一。在位  
四年。乙丑崩。壽二十五。

改元二

隆和一  
興寧二

廢帝名奕。哀帝母弟。哀帝崩。皇太后詔立之。以丙寅



嗣立時年二十四在位六年辛未桓溫廢之

改元一

太和五

簡文皇帝名顯元帝少子封會稽王桓溫既廢海西公迎立之以辛未嗣立時年五十一在位二年壬申崩壽五十三

改元一

咸安二

孝武皇帝名曜簡文帝子以癸酉嗣立時年十一在位二十四年丙申崩壽三十五

改元二

寧康二  
太元二十一

安皇帝名德宗孝武帝長子以丁酉嗣立時年十五

在位二十六年戊午崩壽四十一

改元三

隆安五  
元興三  
嘉熙十四

恭皇帝名德文安帝母弟以丁未嗣立時年三十四在位二年戊申禪位于宋遇害壽三十六

改元一

元熙二

右東晉十一帝共一百丹四年首丁丑盡庚申

宋高祖武皇帝彭城綏輿里人姓劉氏名裕以庚申受晉禪即皇帝位時年五十七在位三年壬戌崩壽六十一

改元一

永初二



少帝名義符。武帝長子。以壬戌嗣立。時年十七。在位二年。癸亥徐羨之等廢弒之。壽十九。

改元一

景平二

太祖文皇帝名義隆。武帝第三子。封宜都王。少帝廢。大臣迎立之。以甲子嗣立。時年十六。在位三十年。癸巳為元凶劭所弒。壽四十六。

改元一

元嘉三十

世祖孝武皇帝名駿。文帝第三子。封武陵王。元凶劭弒逆入討賊。以甲午嗣立。時年二十四。在位十一年。甲辰崩。壽三十五。

改元二

孝建三  
大明八

前廢帝名子業。孝武帝長子。以甲辰嗣立。時年十六。在位一年。荒淫無道。遇弒。壽十七。

改元一

景和元

太宗明皇帝名彧。文帝第十一子。封淮陽王。廢帝遇弒。以乙巳嗣立。時年二十六。在位八年。壬子崩。壽三十四。

改元二

泰始七  
泰豫一

後廢帝名昱。明帝太子。以癸丑嗣立。時年二十一。在位四年。丁巳。以無道遇弒。年二十五。



改元一

元徽四

順皇帝名準。明帝第三子。封安成王。廢帝殞。蕭道成奉太后令立之。以丁巳嗣立。在位三年。以己未禪于齊。遇害。壽十歲。

改元一

昇明三

右宋八帝。共六十年。首庚申。盡己未。齊太祖高皇帝。東海蘭陵郡人。姓蕭。名道成。以己未歲受宋禪。即皇帝位。時年五十二。在位四年。壬戌崩。壽五十六。

改元一

建元三

世祖武皇帝名贖。高帝長子。以壬戌嗣立。時年四十二。在位十二年。癸酉崩。壽五十四。

改元一

永明十一

廢帝名昭業。武帝長孫。立為太孫。以癸酉嗣立。為西昌侯。鸞廢而弑之。二十二歲。再立海陵王昭文。復廢之。

改元二

隆昌  
延興

高宗明皇帝名鸞。始安貞王道生之子。既廢二帝。以甲戌嗣立。時年四十二。在位五年。戊寅崩。壽四十七。

改元二

建武四  
永泰二



廢帝名寶卷。明帝第二子。以己卯嗣立。時年十六。立三年。己巳。無道。遇弒。壽十九。

改元一

永元三

和帝名寶融。明帝第八子。以辛巳嗣立。禪于梁。遇害。壽十五。

改元一

中興元

右齊六帝。共二十二年。首己未。盡辛巳。

○梁高祖武皇帝。南蘭陵中都里人。姓蕭氏。名衍。以壬午歲受齊禪。時年三十五。在位四十八年。己巳崩。壽八十三。

改元七

天監十八  
中大通六  
中大同一  
太清三

普通七

大通二

太宗簡文皇帝。名綱。武帝第三子。昭明太子薨。立為太子。以己巳嗣立。三年辛未。侯景廢而弒之。壽四十九。

改元一

大寶三

世祖孝元皇帝。名繹。武帝第七子。封湘東王。侯景篡立。王僧辯等起兵討誅景。以壬申嗣立。在位三年。甲戌為西魏所滅。遇害。壽四十七。

改元一

承聖三



敬皇帝名方智。元帝第九子。封晉安王。魏克江陵。陳霸先等迎立之。以乙亥嗣立。在位二年。丁丑。禪于陳。遇害。壽十六。

改元二

紹泰一  
太平二

右梁四帝。共五十六年。首壬午。盡丁丑。

○陳高祖武皇帝。吳興長城下若里人。姓陳氏。名霸先。以丁丑受梁禪。時年五十四。在位三年。己卯崩。壽五十七。

改元一

永定二

世祖文皇帝。名蒨。武帝兄。始興昭烈王之長子。武帝

受禪為臨川王。以庚辰嗣立。六年丙戌崩。壽

改元二

天嘉六  
天康一

廢帝名伯宗。文帝長子。以丙戌嗣立。在位三年。戊子。安成王頊廢之而自立。

改元一

光大二

高宗宣皇帝。名頊。始興昭烈王次子。以戊子嗣立。時年四十。在位十三年。壬寅崩。

改元一

太建十三

後主。名叔寶。宣帝太子。以壬寅嗣立。年三十。在位七年。己酉。隋滅之。



改元二

至德四  
禎明三

右陳五帝共三十三年首丁丑盡巳酉

○後魏太祖道武皇帝其先世為代北鮮卑君長姓拓跋氏名珪以丙戌即代王位郊天改元時晉孝武大元十一年

十三年戊戌取燕即帝位又十二年巳酉為拓跋紹

所弑壽三十九

改元四

登國十  
天興六  
皇始二  
天賜四

太宗明元皇帝名嗣道武帝子以巳酉嗣立任位十

五年癸亥崩壽三十二

改元三

永興五  
泰常七  
神瑞二

世祖太武皇帝名燾明元帝長子以甲子嗣立任位

二十九年壬辰為宋愛所弑壽四十五

改元六

始光四  
延和三  
神麤四  
太平真君十一  
木延五  
正平二

高宗文成皇帝名濬太武帝嫡孫以壬辰嗣立任位

十四年乙巳崩壽十六

改元三

興安三  
和平六  
興光五

顯祖獻文皇帝名弘文成帝長子以乙巳嗣立任位  
七年辛亥禪位于太子宏又五年丙辰崩壽二十三

改元二

天安二  
皇興五



高祖孝文皇帝名宏。獻文帝太子。以辛亥受禪。在位二十九年。己卯崩。壽三十三。

改元三 延興四 承明元 太和二十二

世宗宣武皇帝名恪。孝文第二子。為皇太子。以己卯嗣立。在位十七年。乙未崩。壽三十三。

改元四 景明四 正始四 永平四 延昌四

肅宗孝明皇帝名詡。宣武帝第二子。以乙未嗣立。在位十四年。戊申崩。壽十九。

改元五 熙平二 神龜二 孝昌一 武泰元 正光五

敬宗孝莊皇帝名子攸。彭城王勰第二子。封長樂王。

甲帝崩。爾朱榮立之。以戊申嗣立。二年庚戌。誅爾朱榮。為其黨所弒。壽二十四。

改元一 永安三

節閔帝名恭。廣陵惠王羽之子。少襲爵。爾朱世隆既弒敬宗。迎立之。以辛亥嗣立。一年壬子。高歡廢而弒之。壽二十四。

改元一 普嘉

孝武皇帝名脩。唐平武穆王懷之子。封平陽王。高歡既廢節閔。奉渤海太守元朗為帝。後廢之而立帝。以壬子嗣立。在位三年。至甲寅。西奔長安。崩。壽二十五。



永熙三

改元一

孝靜皇帝。名善見。清河王。曹之世子。孝武帝既西入關。高歡奉帝立之。為東魏。以甲寅嗣立。時年十一。在位十七年。庚午禪于齊。未幾遇害。壽二十八。

改元四

天平四 元象元 典和四 武定八

文皇帝。名寶炬。孝文帝之孫。京兆王愉之子。封南陽王。孝武崩。宇文泰立之。以甲寅嗣立。在位十八年。辛未崩。壽四十五。

改元一

大統十八

廢帝。名欽。文帝長子。以辛未嗣立。在位三年。癸酉。為

宇文泰所廢

恭皇帝。名廓。文帝第四子。以甲戌嗣立。三年。丙子。禪于周。

右魏十五帝。共一百七十一年。首丙戌。盡丙子。

○北齊顯祖文宣皇帝。渤海脩人。姓高氏。名洋。神武王歡之次子。以庚午受魏禪。即皇帝位。在位十年。己卯崩。壽三十一。

改元一

天保十

廢帝。名殷。文宣太子。以己卯嗣立。一年。庚辰。常山王演廢之。而自立。尋遇害。



孝昭皇帝。名演。神武第六子。以庚辰嗣立。一年崩。壽二十七。

改元一 皇建

世祖武成皇帝。名湛。神武第九子。辛巳嗣立。五年乙酉禪位于太子。稱太上皇。又四年戊子崩。壽三十二。

改元二 大寧一 清河四

後主名緯。武成帝長子。以乙酉嗣立。在位十三年。丁酉為周所滅。

改元二 天統五 武平八

右北齊五帝。共二十八年。首庚午。盡丁酉。

○周閔帝。名覺。代郡武川人。文王之子。以丙子受魏禪。

一年丁丑。為晉公護廢而弑之。壽十六。

世宗明皇帝。名毓。文王子。晉公護廢閔帝。迎立之。以

丁丑嗣立。四年庚辰崩。壽二十七。

改元二 武定二 武成二

高祖武皇帝。名邕。文王第四子。庚辰嗣立。在位十九

年。戊戌崩。壽三十六。

改元四 保定五 天和六 建德六 宣政元

宣皇帝。名贇。武帝長子。以戊戌嗣立。己亥傳位太子

稱天元。庚子崩。壽二十二。



改元一

大象

靜帝。名術。宣帝長子。庚子嗣立。辛丑禪于隋。遇害。壽九歲。

右周五帝。共二十六年。首丙子盡辛丑。

隋高祖文皇帝。弘農華陰人。姓楊氏。名堅。以辛丑受魏禪。在位二十四年。甲子崩。壽六十四。

改元二

開皇二十  
仁壽四

煬皇帝名廣。高祖次子。以甲子嗣立。在位十五年。戊寅無道。遇弒。壽五十。

改元一

大業

入文

恭皇帝。名侑。煬帝孫。元德太子之子。唐公李淵入長安。立之。以丁丑嗣位。代寅禪于唐。

改元一

義寧

右隋三帝。共三十八年。首辛丑盡戊寅。

唐高祖神堯大聖大光孝皇帝。隴西成紀人。姓李氏。名淵。以辛丑自太原留守起兵。入長安。戊寅受隋禪。即皇帝位。時年五十三。在位九年。丙戌傳位于太宗。稱太上皇。又十年乙未崩。壽七十二。

改元一

武德九

太宗文武大聖大廣孝皇帝。名世民。高祖次子。母竇



皇后初封秦王太子建成誅立為皇太子以丙戌嗣立時年二十九在位二十三年巳酉崩壽五十二

貞觀二十三年  
改元一

高宗天皇大聖大弘孝皇帝名治太宗第九子母長孫皇后初封晉王太子承乾廢立為皇太子以巳酉嗣立時年二十二在位三十四年癸未崩壽五十六

永徽七 顯慶六 龍朔四  
麟德三 乾封三 總章三  
咸亨五 上元三 儀鳳三  
調露二 永隆二 開曜二  
永淳二 弘道元

中宗孝和大聖大昭孝皇帝名顯高宗第七子母武

皇后為皇太子癸未嗣立甲申武后廢之後二十二年乙巳復辟在位五年庚戌為韋后所弒壽五十五

神龍二 景龍二  
唐隆元

武后改元十二  
光宅元 垂拱四  
永昌元 天壽二

長壽二 延載元 天冊萬歲元  
萬歲通天元 神功元  
聖曆二 久視元  
長安四

睿宗玄真大聖大興孝皇帝名旦高宗第八子母武皇后封豫王武后既廢中宗立之臨朝至庚寅降立為皇嗣中宗復辟封相王韋后弒逆臨淄王隆基誅之迎立帝以庚戌即位三年壬子傳位于太子後四



年丙辰崩壽五十五

改元二

太極  
延和

玄宗至道大聖大明孝皇帝。名隆基。睿宗第三子。母竇皇后。封臨淄郡王。庚戌。韋后弑逆。以兵討誅之。睿宗即位。立為皇太子。以壬子嗣立。時年二十七。在位四十四年。乙未。禪位于太子。後七年壬寅崩。壽七十八。

改元三

先天元  
天寶十四  
開元二十九

肅宗文明武德大聖大宣孝皇帝。名亨。玄宗第三子。母楊皇后。為皇太子。丙申嗣立。時年四十五。在位七

年壬寅崩。壽五十二

改元四

至德二  
上元二  
乾元二  
寶應元

代宗睿文孝武皇帝。名豫。肅宗太子。母吳皇后。以壬寅嗣立。時年三十六。在位十八年。已未崩。壽五十四

改元三

廣德三  
大曆十二  
永泰一

德宗神武孝文皇帝。名适。代宗太子。母沈皇后。以已未嗣立。時年三十八。在位二十六年。甲申崩。壽六十

四

改元三

建中四  
貞元二十一  
興元元

順宗至德弘道大聖大安孝皇帝。名誦。德宗太子。母



王皇后。以甲申嗣立。一年崩。壽六十四。

改元一

元貞

憲宗昭文章武大聖至神孝皇帝。名純。母王皇后。順  
宗太子。以丙戌嗣立。時年二十八。在位十五年。庚子  
崩。壽四十三。

改元一

元和十四

穆宗睿聖文惠孝皇帝。名恒。憲宗第三子。母郭皇后。  
以庚子嗣立。時年二十六。在位五年。甲辰崩。壽三十

改元一

長慶四

敬宗睿武昭愍孝皇帝。名湛。穆宗長子。母王皇后。以

甲辰嗣立。時年十六。在位三年。丙午為宦官蘇佐明  
等所弒。壽十八。

改元一

寶曆

文宗元聖昭獻孝皇帝。名昂。穆宗第二子。母蕭皇后。  
封江王。敬宗崩。王守澄等迎立之。以丙午嗣立。時年  
十八。在位十四年。庚申崩。壽三十二。

改元二

太和九  
開成五

武宗至道昭肅孝皇帝。名炎。穆宗第五子。母韋皇后。  
封穎王。文宗崩。仇士良等迎立之。以庚申嗣立。年二  
十七。在位六年。丙寅崩。壽三十三。



改元一

會昌六

宣宗聖武獻文孝皇帝。名忱。憲宗第十三子。母鄭皇后。封光王。武宗崩。中官迎立之。以丙寅嗣立。時年三十七。在位十三年。已卯崩。壽五十。

改元一

大中十三

懿宗昭聖恭惠孝皇帝。名漼。宣宗太子。母晁皇后。以已卯嗣立。在位十四年。癸巳崩。壽四十一。

改元一

咸通十四

僖宗惠聖恭定孝皇帝。名儼。懿宗第五子。母王皇后。立為皇太子。以癸巳嗣立。時年二十。在位十六年。戊

申崩。壽三十六。

改元五

乾符五 廣明元 中和四  
光啟三 文德元

昭宗聖穆景文孝皇帝。名晔。懿宗第七子。母王皇后。封壽王。以戊申嗣立。十六年甲子。為朱全中所弑。壽三十八。

改元七

龍紀二 大順三 景福三  
乾寧五 光化四 天復四  
天祐元

哀皇帝。名祝。昭宗第九子。母何皇后。封暉王。昭宗遇弑。以甲子嗣立。三年丁卯禪于梁。明年遇害。壽十七。

改元

盡天祐四年



右唐二十帝。共二百九十年。首辛丑。盡丁卯。內武  
氏二十二年。

○後梁太祖神武元聖孝皇帝。單州礪山縣人。姓朱氏。  
名晃。初名溫。賜名全忠。以丁卯受唐禪。即皇帝位。年  
五十六。在位六年壬申。為其子郢王友珪所弒。年六  
十二。

改元二

開平四  
乾化二

末帝名瑱。太祖第四子。母張皇后。封均王。友珪弒逆。  
討誅之。以癸酉嗣立。在位十一年癸未。唐兵入汴。為  
其下所弒。年三十六。

改元三

乾化五  
龍德二

正明六

右後梁二帝。共十七年。首丁卯。盡癸未。

○後唐莊宗光聖神閔孝皇帝。其先沙陀人。唐賜姓李。  
氏。名存勗。武帝之子。以癸未即皇帝位。滅梁。在位四  
年丙戌。兵亂中流矢崩。壽四十二。

改元一

同光四

明宗聖德和武欽孝皇帝。代北金鳳城人。姓李氏。名  
亶。以丙戌嗣立。在位八年癸巳崩。壽六十七。

改元二

天成四  
長興四

閔帝名從厚。明宗第三子。封宋王。癸巳嗣立。甲午潞



王兵入汴。廢之而自立。遇害。壽二十一。

改元一

廣順

末帝。名從珂。本姓王氏。明宗養為子。封潞王。以甲午廢。閔帝。即位三年丙申。石敬瑭舉兵犯闕。帝兵敗自焚死。壽五十二。

改元一

清泰三

右後唐四帝。共十四年。首癸未。盡丙申。

○後晉高祖聖文皇帝。武明德孝皇帝。太原汾陽里人。姓石氏。名敬瑭。丙申。以北京留守舉兵入洛。即皇帝位。在位七年壬寅崩。壽五十一。

改元一

天福七

少帝。名重貴。本高祖從子。封齊王。以壬寅嗣立。在位四年丙午。契丹入汴。北邊卒于黃龍府。壽三十四。

改元二

天福二  
開運二

右後晉二帝。共十一年。首丙申。盡丙午。

○後漢高祖睿文聖武昭肅孝皇帝。太原人。姓劉氏。名高。初名知遠。契丹入中國。以丁未即皇帝位。于晉。繼遷于汴。在位二年戊申崩。壽五十四。

改元一

乾祐

隱帝。名承祐。高祖第二子。封周王。以戊申嗣立。三年。



庚戌郭威擁兵犯闕遇弒壽二十

右後漢二帝共四年首丁未盡庚戌

○後周太祖聖神恭肅文武孝皇帝邢州堯山人姓郭

氏名威辛亥以鄴都留守入汴即皇帝位三年癸丑

崩壽五十一

改元一

廣順

世宗睿武孝文皇帝本姓柴氏名榮太祖養子封晉

王以甲寅嗣立。在位六年巳未崩

改元一

顯德

恭帝名宗訓世宗子封梁王以巳未嗣立庚申禪于

宋後十四年癸酉崩壽二十一

右周三世共九年首辛亥盡巳未

○宋太祖英武聖文神德皇帝其先涿郡人皇考始遷

洛陽姓趙氏名匡胤父周龍捷左廂都指揮使弘殷

追謚宣祖母昭憲杜太后庚申以殿前都點檢受周

禪即皇帝位時年三十三在位十七年丙子崩壽五

十

改元三

建隆三  
開寶九

乾德五

太宗神功聖德文武皇帝名炅初名匡義母昭憲杜

太后以丙子嗣立時年三十七在位二十二年丁酉



崩壽五十九

改元五

太平興國八 雍熙四  
端拱二 淳化五 至道三

真宗文明章聖元孝皇帝。名恒。初名元侃。太宗第三子。母元德李太后。立為皇太子。以丁酉嗣立。年二十九。在位二十六年。壬戌崩。壽五十五。

改元五

咸平六 景德四 大中祥符九  
天禧五 乾興元

仁宗神文聖武明孝皇帝。名禎。初名受益。真宗太子母莊懿李太后。以壬戌嗣立。時年十二。在位四十二年。癸卯崩。壽五十四。

改元九

天聖九 明道二 景祐四  
寶元二 康定元 慶曆八

皇祐五 至和二  
嘉祐八

英宗獻文肅武宣孝皇帝。名曙。初名宗實。濮安懿王尤讓之子。詔立為皇子。以癸卯嗣立。時年二十三。在位五年。丁未崩。壽三十八。

改元一

治平四

神宗英文烈武聖孝皇帝。名頊。英宗太子母宣仁高皇后。以丁未嗣立。時年十九。在位十九年。乙丑崩。壽三十八。

改元二

熙寧十  
元豐八

哲宗欽文睿武昭孝皇帝。名煦。初名傭。神宗太子。母



欽聖朱太妃以乙丑嗣立時年十歲在位十五年庚辰崩壽二十五

改元三

元祐八 紹聖四 元符三

徽宗聖文仁德顯孝皇帝名佶神宗第十一子母欽慈陳太后初封端王哲宗崩以庚辰嗣立年十九歲在位二十五年乙巳禪位于太子丁未金虜陷中原北遷後九年乙卯崩于五國城壽五十三

改元六

靖國元 崇寧五 大觀四 政元七 重和元 宣和七

欽宗恭文順德仁孝皇帝名植徽宗太子母顯恭王

其後以乙巳受內禪即位時年二十五二年金人陷中原丁未北遷後三十四年庚辰崩壽六十一

改元一

靖康二

高宗聖神武文昭仁憲孝皇帝名構徽宗第九子母顯仁韋太后初封康王金人陷中原二帝北狩以丁未嗣立于南京時年二十一在位三十六年壬午內禪于太子又二十五年丁未崩壽八十二

改元二

建炎四 紹興三十二

孝宗哲文神武明聖成孝皇帝名昚初名瑗太祖之裔高宗以為太子壬午受內禪即位時年三十六在



位二十七年巳酉。內禪于太子。又五年癸丑崩。壽六

十八

改元三 隆興二十 乾道九 淳熙十六

光宗憲仁聖哲慈孝皇帝。名惇。孝宗第三子。母成穆

郭皇后。立為太子。巳酉受內禪。時年四十三。在位五

年。甲寅內禪。又六年戊午崩。壽五十四。

改元一 紹熙五

寧宗仁文哲武恭孝皇帝。名擴。光宗第二子。母慈懿

李皇后。立為太子。甲寅即位。時年二十六。在位三十

一年。甲申崩。壽五十七。

改元四之一 慶元六 嘉泰四 嘉定十七

理宗烈文仁武安孝皇帝。名昀。初名貴誠。沂靖惠王

之子。寧宗以為皇子。甲申嗣立。時年二十一。在位四

十一年。甲子崩。壽六十五。太后皇太后

改元八 寶慶三 紹定六 嘉熙四 淳祐十一 景定五 端平三

度宗 皇帝名 獻福王之子。理宗立為

太子。甲子嗣立。時年二十五。在位十一年。甲戌崩。壽

三十五

改元一

咸淳十



文獻通考卷之二百五十終

二十

景宗立為太子

景宗立為太子

開豐元

年甲辰天八又六

景宗立為太子

開豐元

十一甲午年龍壽六十一

之十寧宗以為皇子甲申嗣立年二十一并立四

聖宗庶文斗安奉皇帝各帥以各貴嫡以尊惠王

二年如示四壽五

開豐元

壽宗十一

文獻通考卷之二百五十一

鄱陽馬端臨貴與著

帝系考

太上皇太皇太后皇太后

母后臨朝稱制及推尊私

親父母附追尊私親父母見宗廟門此不錄

虞舜踐帝位乃載天子旌旗往朝瞽瞍唯謹以子道

孟子咸丘蒙問曰語云盛德之士君不得而臣父

不得而子舜南面而立堯帥諸侯北面而朝之瞽

瞍亦北面而朝之舜見瞽瞍其容有蹙孔子曰於

斯時也天下殆哉岌岌乎不識此語誠然乎哉孟



子曰否此非君子之言齊東野人之語也堯老而  
舜攝也堯典曰二十有八載放勳乃徂落百姓如  
喪考妣三年四海遏密八音孔子曰天無二日民  
無二王舜既為天子矣又帥天下諸侯以為堯三  
年喪是二天子矣朱子集註成丘蒙孟子弟子語  
古語也堯舜堯不自安也岌岌  
不安貌言人倫乖亂天下將危也齊東野人東鄙  
也孟言堯但老而不治事而舜攝天子之事堯  
時舜未嘗即天子位堯何由北面而咸丘蒙曰舜  
朝之乎又引書及孔子之言以明之  
之不臣堯則吾既得聞命矣詩云普天之下莫非  
王土率土之濱莫非王臣而舜既為天子矣敢問  
瞽瞍之非臣如何曰是詩也非是之謂也勞於王

事而不得養父母也曰此莫非王事我獨賢勞也  
不臣堯不以堯為臣使北面而朝也詩小雅北山  
之篇普徧也率循也此詩今毛氏序云役使不均  
已勞於王事而不得養其父母焉其詩下文亦云  
大夫不均我從事獨賢乃作詩者自言天下皆王  
臣何為獨使我以賢才而勞苦乎非謂天子可臣其父也  
孝子之至莫大乎尊  
親尊親之至莫大乎以天下養為天子父尊之至  
也以天下養養之至也詩曰永言孝思孝思維則  
此之謂也言瞽瞍既為天子之父則當享天下之  
養此舜之所以為尊親養親之至也豈  
有使之北面而朝之理乎詩大雅下武之篇言  
人能長言孝思而不怠則可以為天下法則也  
書  
曰祇載見瞽瞍夔夔齊栗瞽瞍亦允若是為父不  
得而子也書大禹謨篇也祇敬也載事也夔夔齊  
栗敬謹恐懼之貌允信也若順也言舜



事瞽瞍往而見之敬謹如此瞽瞍亦信而順之也  
孟子引此而言瞽瞍不能以不善及其子而反見  
化於其子則是所謂父不得而  
子者而非如戚丘蒙之說也

漢高祖六年尊太公爲太上皇

上歸櫟陽五日一朝太公太公家令說太公曰天  
亡二日土無二王皇帝雖子人主也太公雖父人  
臣也柰何使人主拜人臣如此則威重不行後上  
朝太公擁彗李奇曰爲恭也如今卒持帚也  
師古曰彗所以掃也言自歲反迎門  
卻行卻退而行上大驚下扶太公太公曰帝人主柰何  
以我亂天下法於是上心善家令言賜黃金五百  
斤夏五月丙午詔曰人之至親莫親於父子故父

有天下傳歸於子子有天下尊歸於父此人道之  
極也前日天下大亂兵革並起萬民苦殃朕親被  
堅執銳自帥士卒犯危難平暴亂立諸侯偃兵息  
民天下大安此皆太公之教訓也諸之通侯將軍  
群卿大夫已尊朕爲皇帝而太公未有號今尊太  
公曰太上皇師古曰太上極尊之稱也皇君也天  
子之父故曰皇不預治國故不言帝也  
後漢荀悅曰孝經云故雖天子必有尊也言有  
父也王者父事三老以示天下所以明孝也無  
父猶設三老之禮况其存者乎孝莫大於嚴父  
故子尊不加於父母家令之言於是過矣



晉愍懷太子令問中庶子劉寶云太公家令說太公為是為非對曰荀悅論賜家令為非臣以為悅不識高帝意高帝雖貴為天子事父不失子之禮時即位已六年而不加父號是以家令言雖父乃人臣也言無可尊敬當與人臣同禮欲以此感動之帝聞家令言乃悟即立號太上皇得人子尊父之道若不聞家令言父終無號矣家令說是也師古亦以為善其發悟已心因得尊崇父號非善其令父敬已

漢因秦之稱號帝母稱皇太后祖母稱太皇太后高祖崩惠帝即位尊呂皇后為皇太后太后首未並見皇后門後

惠帝崩太后取後宮子名為孝惠子立之年幼太后臨朝稱制師古曰天子之言一曰制書二曰詔書制書者謂為制度之命也非皇后所得事斷決萬机故稱制詔立兄子呂台產祿台子通

四人為王封諸呂六人為列侯四年少帝自知非皇后子出怨言太后廢之立恒山王弘為帝八年皇太后崩諸呂謀亂大臣誅之

文帝立尊母薄姬為皇太后姬初為薄氏侯者一人代太后後文帝崩二歲孝景前二年崩葬南陵用呂后不合葬長陵故特自起陵近文帝

景帝立尊母竇皇后為皇太后竇氏侯者三人後景

帝立尊母竇皇后為皇太后竇氏侯者三人後景

帝立尊母竇皇后為皇太后竇氏侯者三人後景



帝六歲。以武帝元光六年崩。  
武帝立尊母王皇后為皇太后。王氏。田氏。侯者凡三人。後景帝十五歲。元朔三年崩。合葬陽陵。  
昭帝崩。霍光迎立昌邑王賀。尊上官皇后為皇太后。既廢賀。立宣帝。尊太后為太皇太后。以建昭二年崩。合葬平陵。

元帝立尊孝宣王皇后為皇太后。元帝崩。成帝即位。為太皇太后。王氏列侯二人。關內侯一人。時成帝母亦姓王氏。故世號太皇太后。為邛成太后。永始元年崩。合葬杜陵。稱東園。  
師古曰。雖同營兆。而別為墳。王后陵。次宣帝陵。東故曰東園也。

成帝立尊母王皇后為皇太后。以平陽侯鳳為大司馬。大將軍。領尚書事。又封太后同母弟崇為侯。鳳庶弟譚為關內侯。後五年。又封舅譚商立根逢。時皆為侯。世謂之五侯。後又封兄子莽為新都侯。哀帝即位。尊為太皇太后。哀帝崩。無子。太皇太后以莽為大司馬。立平帝。太后臨朝。委政於莽。群臣希旨。奏請莽為安漢公。宰衡。平帝崩。莽徵宣帝玄孫嬰為帝。居攝踐祚。既而即真。號太后為新室文母。年八十四。建國五年崩。合葬渭陵。

司徒掾班彪曰。三代以來。春秋所記王公國君。



與其失世稀不以女寵。漢興后妃之家。呂霍上官幾危國者數矣。及王莽之興。由孝元后。歷漢四世。為天下母。享國六十餘載。群弟世權。更持國柄。五將十侯。卒成新都。位號已移於天下。而元后拳拳猶握一璽。不欲以授莽。婦人之仁。悲夫。

致堂胡氏曰。外戚之禍在王氏。然漢初功臣平勃等。預有辜焉。高祖崩。唱言呂后與帝共定天下。帝王諸呂。無不可者。其定之語本出鄒寄然當此時必有此議論。於是太裂土疆。以王諸呂。侵弱劉氏。罪

一也。孝惠即世。聽張辟強之說。縱諸呂居中用事。專權禁闈。共幹兵柄。上以媚太后。下以安已身。由是諸呂不可制。罪二矣。高后即世。雖能誅諸呂。立孝文。然自茲以往。母后習見前世用事。例為出闈之言。觀大臣議所言。皆曰。齊王高帝孫。然母家駟鉤。惡淮南王母家。又惡獨代王母家。薄氏謹良。遂立孝文。則平勃之徒。畏母后深矣。蓋漢母后預政。不必臨朝。少主雖長。君亦然。竇太后好黃老。惡儒士。儒士多不得進。趙綰王臧欲助上興制度。則發其姦利寢之竇嬰。兄子



也惡之則除門籍喜之則爲相梁孝王愛之則  
誦言請立爲嗣不顧太宗之重王太后於灌夫  
罵坐則不食論奔市韓嫣帝所貴也太后欲殺  
之則帝不能救可謂司晨預事矣武帝欲立昭  
則先殺鈞弋夫人馴致王氏篡奪其所從來者  
遠矣

先公曰今按胡氏之說足以盡西京外戚貽禍  
之本末矣嘗因是而極論之天地間有陽不能  
無陰陰而乘陽則宇宙分裂人極隳亡矣歐陽  
公謂宦官之禍甚於女子蓋爲唐末一代言之

耳以古今大勢論則女禍深矣少女子能蠱惑  
人主以亡國老女子能崇長外戚以亡國三代  
之亡國皆由此物矣周之東遷以褒姒周雖不  
亡於此已衰於此矣秦后始有宦太后穰侯之  
專莊襄悅美姬以易其宗漢高帝起於閭閻呂  
氏初無功於王業也而漢初諸人之論每以爲  
呂氏雅故本推轂高帝就天下田生語註謂翼  
載以成帝業若  
車之行助  
推其轂又謂呂后與高帝共定天下酈寄是  
語以諸呂之心自謂與諸劉等憫然有取而代之  
之意而後動於惡中間霍氏擁昭立宣陰妻邪



謀特覺之早耳。而終不免莽新之亂焉。曹魏之見篡於司馬氏也。一再廢殺專。以母后爲之主。及晉武帝平吳之後。耽惑女寵。楊賈實召五胡亂華之禍。天下旣爲南北矣。齊陳以女色亡。元魏以淫后亡。隋文帝起外戚以篡周。唐高祖主外戚竊宮嬪以取隋。太宗寵武才人。開聚麀之醜。子孫殲焉。祿山之起爲太真妃也。唐雖未亡於此而已。衰於此矣。河朔失而勁兵亡。東南虛而蠻禍起。非權輿於天寶末乎。朱梁以女寵闕于禍而亡。後唐莊宗以劉后殺功臣。勒軍賞而

亡。皆女子之爲也。

哀帝立。尊趙后爲皇太后。趙氏侯者二人。哀帝爲太子。頗得趙太后力。傳太后恩。趙太后亦歸心。故成帝母及王氏皆怨之。哀帝崩。王莽白太后。太后詔有司曰。前皇太后與昭儀俱封帷幄。姊弟專妬。殘滅繼祀。以危宗廟。貶爲孝成皇后。徙北宮。後月餘。復詔廢爲庶人。就其園自殺。立十六年。哀帝旣爲太子。成帝母王太后欲令傳太后。哀帝祖母丁姬。哀帝母。十日一至太子家。成帝曰。太子承正統。共養。陛下不得復顧私親。王太后曰。太子小而傳太后抱養之。今至太子



文獻通考 卷之三百五十一  
家以乳母息耳。於是令傅太后得至太子家。丁姬以  
不小養太子獨不得。哀帝卽位。王太后詔令傅太后  
丁姬十日一至未央宮。後下詔尊定陶共王爲共皇。  
尊傅太后爲共皇太后。丁姬爲共皇后。各置左右詹  
事。食邑如長信宮中宮。後歲餘。下詔曰。漢家之制。推  
親親以顯尊尊。定陶共皇之號不宜復稱。定陶其尊  
共皇太后爲帝太后。丁姬爲帝太后。復又更號帝  
太太后爲皇太太后。稱永信宮。帝太后稱中安宮。而  
成帝母太皇太后。本稱長信宮。成帝趙后爲皇太后。  
並四太后。各置少府。太僕秩皆二千石。傅氏侯者六

人。傅太后旣尊後尤驕。元壽元年崩。合葬渭陵。稱孝  
元傅皇后。丁氏侯者二人。太后建平二年崩。起陵恭  
皇之園。哀帝崩。王莽秉政。使有司舉奏丁傅罪惡。皆  
免官爵徙故郡。貶傅丁二太后號。夷其陵。

東漢明帝卽位。尊陰皇后爲太皇后。永平七年崩。在  
位二十四年。年六十。合葬原陵。

肅宗卽位。尊馬皇后爲皇太后。帝欲封爵諸舅。太后  
不聽。建初四年崩。在位二十三年。年四十餘。合葬顯  
節陵。

和帝卽位。尊竇皇后爲皇太后。太后臨朝。兄憲等並



顯貴擅威權。後密謀不軌。發覺誅。九年。太后崩。在位十八年。臨朝四年。未葬。而帝母梁貴人姊嬬。一計上反。書陳貴人爲后所陷。枉歿之狀。太尉張酺等請依光武黜呂太后故事。貶太后尊號。不宜合葬先帝。帝手詔曰。竇氏雖不遵法度。而太后常自減損。朕奉事十年。深惟大義。禮臣子無貶尊上之文。恩不忍離。義不忍虧。按前世上官太后亦無降黜。其勿復議。於是合葬敬陵。

和帝崩。長子平原王有疾。而諸皇子夭歿。前後十數。後生者輒隱祕養於人間。殤帝生始百日。竇皇后迎鄧

立之。尊后爲皇太后。太后臨朝。殤帝崩。太后定策立安帝。猶臨朝政。以連遭大憂。百姓苦役。乃詔減除浮費。錄寃獄。自太后臨朝。水旱十載。四夷外侵。盜賊內起。每聞人饑。或達旦不寐。躬自減徹。以救災厄。故天下復平。歲還豐穰。永寧二年崩。在位二十年。臨朝十七年。四十一。合葬順陵。

范曄論曰。鄧后稱制。終身號令自出。術謝前政之良。身闕明辟之義。前政謂周公也。辟君也。尚書曰。朕復子明辟。言周公

攝位復還成王。今太后不還。故曰闕也。至使嗣主側目。歛衽於虛器。器謂神器。喻帝位也。直生懷懣。懸書於象魏。象魏闕也。直生杜根



等上書請借之儀者。始其惑哉。借猶假也。始近也。言太后不還。

太后還政。然而建光之後。王柄有歸。太后建光之中崩。

遂乃名賢戮辱。便孽黨進。帝寵用乳母王聖及其女伯榮出入宮掖。

通傳姦賂。太尉楊震及鄧騭皆被中官譖誅也。衰斃之來。茲焉有徵。斃也。安帝臨政衰敗。逾甚。故曰有徵也。

故知持權引誘。所幸者非已。焦心卹患。自強者唯國。言執持朝權以招眾。誘者所幸不為已身唯憂國也。

是以班母一說闔門辭事。太后兄大將軍騭乃許之。語見昭傳也。

愛姪微愆。髡剔謝罪。太后及鳳受遺事。泄騭遂髡妻。將杜根逢誅。未值其誠乎。

誠乎。誠信也。言未為太后所信。但蹊田之牛。奪之已甚。左傳申叔

時曰牽牛以蹊人之田而奪之牛。牽牛以蹊者信有罪矣。而奪之牛。罰已重矣。此喻杜根上書雖曰有罪。太后殺之為過甚也。

安帝閻皇后與兄顯。及江京譖皇太子保廢為濟陰

王。帝崩為皇太后。欲久專國政。貪立幼年。與顯等定

策禁中。迎濟北惠王子北鄉侯懿。立為皇帝。太后臨

朝。蔡邕獨斷曰少帝即位太后即代攝政。臨前殿朝羣臣。太后東面少帝西面羣臣奏事。上書皆為兩

通一請少帝少帝立二百餘日而薨。京白太后徵濟北

河間王子。未至而中黃門孫程等合謀殺江京等。立

濟陰王。是為順帝。顯等皆伏誅。遷太后於離宮。家屬

徙北。景明年。太后崩。在位十二年。合葬恭陵。順帝崩。



梁皇后無子。美人虞氏子炳立。是為冲帝。尊后為皇太后。太后臨朝。冲帝尋崩。復立質帝。猶秉朝政。時寇盜羗蠻擾亂。賦歛煩數。官民困竭。太后夙夜勤勞。推心拔賢。委任太尉李固等。拔忠良。誅貪慝。崇節儉。寇夷消弭。海內肅然。而兄大將軍冀。鴆殺質帝。專權暴忌。數以邪說。疑誤太后。遂立桓帝而誅李固。天下失望。和平元年。歸政尋崩。在位十九年。臨朝六年。年四十五。合葬憲陵。

桓帝既立。追尊本生父蠡吾侯翼為孝崇皇。梁太后既崩。乃追尊妾母偃氏為孝崇皇后。遣司徒持節奉

策授璽綬。賫乘輿器服備法物。宮曰永樂。置太僕少

府以下。皆如長樂宮故事。漢官儀曰。帝祖母稱長信

信少府。長樂少府。及職吏皆宦官為之。又置虎賁羽林衛士。起宮室。分

鉅鹿九縣為后湯沐邑。在位三年。元嘉二年崩。以帝

弟平原王石為喪主。葬儀比皇后。

桓帝崩。無子。竇皇后為皇太后。臨朝定策。立解瀆侯

宏。是為靈帝。太后父大將軍武。謀誅宦官。而中常侍

曹節等。矯詔殺武。遷太后於南宮。雲臺家屬徙北景

竇氏雖誅。帝猶以太后有援立之恩。朝于南宮。親饋

上壽供養。資奉有加於前。熹平元年崩。立七年。合葬



宣陵

靈帝既立，追尊本生父解瀆侯世長為孝仁皇夫人。董氏為孝仁皇后，迎至京師，居南宮嘉德殿，宮稱永樂。及竇太后崩，始預政，使帝賣官求貨。帝崩，何太后臨朝。孝仁后欲參預政事，太后輒禁塞之，忿恚。太后與兄何進謀奏蕃后故事，不得留京師，請遷本國。收其兄子重免官，重自殺。孝仁后以憂崩，在位二十二年。

靈帝崩，皇子辨即位，尊母何皇后為皇太后。臨朝，后兄大將軍進欲誅宦官不克，反為所害。董卓將兵入洛陽，遂廢少帝而立協，是為獻帝。遷太后於永安宮，遇鴆而崩，在位十年。

范曄論曰：自古雖主幼時艱，王家多釁，必委成冢宰，簡求忠良，未有專任。婦人斷割重器，唯秦苧太后始攝政事，故穰侯權重於昭王，家富於

羸國。太后昭王母也。魏宣太后史記曰：昭王立年少，宣太后自知事以同母弟魏冉為將軍，任政封為穰侯。太后攝政始於此也。漢仍其謬，知患莫改。東京

皇統屢絕，權歸女主。外立者四帝。安質桓靈臨朝者六后。章帝竇太后和熹鄧太后安思閻太后順烈梁太后桓思竇太后靈思何太后也。

莫不定策帷帟，委事父兄，貪孩童以久其政，抑



明賢以專其威

周禮摹人掌帷幄幕之事鄭注曰帷幄中坐上承塵也

帝崩鄧太后與兄冀等定立安帝年十三冲帝崩梁太后與兄冀迎立質帝年八歲質帝崩太后與兄冀迎桓帝年十五桓帝崩時

竇太后與父武迎立靈帝年十二任重道悠

利深禍速身犯霧露於雲臺之上

霧露謂疾病也不可指言

故假霧露以言之靈帝時中常侍曹節矯詔遷太后於雲臺謝躬上封事曰伏惟皇太后援

立明聖幽居空宮如有霧露之家嬰縲繼於圜

疾陛下當何面目以見天下

行之下

縲索也絀擊也固圜周獄名也鄉亭之獄曰犴首五旦反謂外戚等被誅也

湮滅連踵傾斬繼路

踵跡也輶車轅也賈誼曰前車覆後車戒而赴

蹈不息焦爛為期終陵夷大運淪亡神寶

帝位也詩書所歎略同一揆故考列行跡以為

皇后本紀

魏文帝受禪尊下后曰皇太后稱永壽宮明帝即位

尊太后曰太皇太后太和四年崩合葬高陵

黃初元年詔曰婦人與政亂之本也自今以後群臣

不得奏事太后后族之家不得當輔政之任又不得

橫受茅土之爵以此詔傳之後世若有違背天下共

誅之

明帝立尊郭皇后為皇太后稱永安宮青龍三年帝

數問甄后死狀於太后由是太后以憂崩

齊王即位尊郭皇后為皇太后稱永寧宮其後值三



主幼弱。宰輔統政。與奪大事。皆先咨啟於太后。而後施行。毋丘儉、鍾會等作亂。咸假其命。以為辭焉。景元四年崩。葬高平陵西。

景元元年十一月。燕王表賀冬。稱臣。帝即燕王宇之子。宇稱臣。故以

疑為詔曰。古之先王者。或有不臣。今王宜依此表。不稱臣乎。又當為報荅。夫係大宗者。降其私親。况所係者重耶。若便同之臣妾。朕所未安。其皆依禮典。據當務。蓋其義有司議。奏以為禮莫崇於尊祖。制莫重於王典。陛下紹太宗之重。崇三祖之業。伏惟燕王禮尊屬戚。正位蕃服。躬秉虔肅。以先萬國。其與王典。闡濟大

順。誠宜割以非常之制。奉以不臣之禮。臣等立議。以為燕王章表可聽。如舊式中詔所施。宜曰皇帝敬問大王侍御議。又云。至於制書國之舊典。朝廷所以辯章於天下者也。宜循法。故曰制詔。燕王議又曰。凡詔命制書奏事。上書文書。有應稱燕王者。皆云上字。其非宗廟助祭之事。不得稱王名。奏事上事及吏人。皆不得觸王諱。以彰殊禮。加於群后。云上遵王典。尊祖之制。俯順聖旨。敬承之心。晉何琦議曰。父母之尊。擬則天地君親之道。資敬是同。今承受命運。君臨率土。而父以子尸。天祿不敢。子天子以明王者之道。而



子雖以為天子必有尊也。推斯以言，父必臣，天位之君而子自必尊天性之父。

晉惠帝即位，尊楊皇后為皇太后。后父駿受遺詔輔政。元康元年，賈后不肯以婦道事太后，又欲干預政事，而為太傅駿所抑。乃啟帝作詔，誣駿謀反，誅之。夷其族。賈后矯詔，使後軍將軍荀悝送太后于永寧宮。特全太后母高都君龐氏之命，聽就太后居尋復。諷羣公有司奏曰：皇太后陰潛姦謀，圖危社稷，飛箭繫書，要募壯士，同惡相濟，自絕于天。魯侯絕文姜，春秋所許，蓋奉祖宗任至公於天下。陛下雖懷無已之情，

臣下不敢奉詔。詔曰：此大事，更詳之。有司又奏：宜廢皇太后為峻陽庶人。中書監張華議：皇太后非得罪於先帝，今黨其所親為不母。於聖世，宜依漢廢趙太后為孝成后故事，貶皇太后之號，還稱武皇后。居異宮，以全始終之恩。左僕射荀愷與太子少師下邳王晃等議曰：皇太后謀危社稷，不可復配先帝，宜貶尊號。廢請金墉城。於是，有司奏請從晃等議。廢太后為庶人。詔可。又奏：楊駿造亂，家屬應誅。詔原其妻龐命，以慰太后心。今太皇后廢為庶人，宜以龐付廷尉行刑。詔不許。有司復請，乃從之。龐臨刑，太后抱持號咷。



截髮稽顙上表。詣賈后稱妾。請全母命。不見省。董養  
遊太學。升堂嘆曰。朝廷建斯堂。將以何爲乎。每覽國  
家赦書。謀反大逆。皆赦。至於殺祖父母。父母不赦者。  
以爲王法所不容。故也。柰何公卿處議文。飭禮典。乃  
至此乎。天人之理。旣滅。大亂將作矣。二年。太后以絕  
膳而崩。年三十四。在位十五年。永嘉初。追復尊號。  
致堂胡氏曰。按群公有司所奏。張華所議。徑以  
太后圖危社稷。不母於聖世。方是時。討楊駿者。  
兩親王將殿中兵而出。駿旣無逆謀。至是。又未  
嘗有一戈指闕。坐受攻討。蹙迫而歿。太后以父

之故。射帛于外。以祈免耳。不知何名爲圖危社  
稷。不母於聖世乎。及有司再請廢后爲庶人。詔  
旨畫可。華不復切諫。依阿緘默。陰附虐后而庸  
奴其君。不待式乾之事。已當誅殛。不得赦矣。  
先公曰。賈后殺故楊太后。饑而歿之也。武帝身  
創大業。且智力足以得天下。而無以保妻子。何  
也。司馬氏三世以來。強人之母。以廢人之子。奪  
人之國。宜有斯報矣。彼且以虛罪誣高貴鄉公。  
而實受報於武悼后。且皆是賈氏發之。駕虛罪  
於高貴鄉公者。充也。效實報於楊太后。南風



也。天道昭昭，亦巧於示報矣。

東晉成帝卽位，尊庾皇后爲皇太后。群臣奏：天子幼冲，宜依漢和熹皇后故事，辟讓數事，不得已臨朝稱萬機。后兄中書令亮管詔命。公卿奏事稱皇太后陛下。及蘇峻作逆，京師傾覆，后見遇辱，遂以憂崩。年三十二。在位六年。

哀帝卽位，詔有司議生母章貴人位號，乃尊爲皇太妃。儀服與太后同。又詔朝臣不爲太妃敬，合典禮。下太常江迥議：位號不極，不應盡敬。興寧元年，薨。帝欲服重服，江彰啟應總麻三月。詔欲降爲期年。彰又啟

厭屈私情，所以上嚴祖考。帝從之。

穆帝卽位，尊褚皇后爲皇太后。以帝幼冲，臨朝稱制。太常殷融議從鄭玄議。后父衛將軍裒在宮庭，則盡臣敬。太后歸寧之日，自如家人之禮。太后詔曰：典禮誠所未詳，如數奏，是情所不能安也。更詳之。征西將軍翼等議：謂父尊盡於一家，君敬重於天下。鄭玄議合情理之中。太后從之。自是朝臣皆敬裒焉。帝加元服，乃居崇德宮。哀帝海西公之世，太后復臨朝稱制。簡文帝卽位，尊后爲崇德太后。帝崩，孝武幼冲，群臣復請臨朝。孝武冠復稱崇德太后。太元九年崩于顯



陽殿年六十一。在位四十年。太后於帝為從嫂。朝議疑其服。太學博士徐澡議曰。資父事君而敬同。又曰。其夫屬父道者。妻皆母道也。則夫屬君道。妻亦后道矣。服后以齊母之義也。曾譏逆祀以明尊卑。令上躬奉康穆哀皇及靖后之祀。致敬同於所天。豈可敬之以君道。而服廢於本親。謂應齊衰期。從之。

孝武皇帝即位。尊生母李氏為淑妃。太元三年。進為貴人。九年。又進為夫人。十二年。加為皇太后。儀服一同太后。十九年。尊為皇太后。稱崇訓宮。安帝即位。尊為太皇太后。隆安四年崩。葬修平陵。神主祔于宣太

后廟 宣太后簡文帝母也

徐邈與范甯公書。訪其事。甯答謂子不得爵命母妃。是太子婦號。必也正名。可以稱母也。邈重與甯書曰。禮天子之妃曰后。關雎稱后妃之德。妃后之名。可謂太同。所以憲章皇極。禮崇物備者。在於此也。故太后之號。定於前朝。而當今所率由也。若必欲服章同於后。而名號異於妃。則可因夫人之稱。而加皇太以明尊。雖曰一理。然於文物之章。猶未盡崇高之極。此又今之所疑。不可得而行也。足下嬖太子妻稱妃。然古無此稱。出於後代。今有皇太



之別可例論耶

宋武帝受禪。尊後母蕭氏爲皇太后。帝事太后孝謹。卽位時。春秋已高。每旦朝太后。未嘗失時刻。少帝卽位。尊爲太皇太后。景平元年崩。年八十一。宋武帝將崩。手詔曰。後世若有幼主。朝事一委宰相。母后不煩臨朝。

孝武卽位。尊母淑媛爲皇太后。宮曰崇憲。廢帝立爲太皇太后。明帝立。號崇憲太后。乃居中宮崩。

廢帝卽位。尊孝武王皇后爲太后。宮曰永訓。其年崩。後廢帝卽位。尊明帝王皇后爲皇太后。宮曰弘訓。順

帝禪位。遷居丹陽宮。拜汝陰王太妃。順帝殂。更立帝。都下。薨于第。

後廢帝母陳氏。旣卽位。尊爲皇太妃。輿服一如晉孝武李太妃故事。宮曰弘化。置家令一人。改諸國太妃曰太姬。昇明初。降爲蒼梧王太妃。

陳文帝卽位。尊武帝章皇后爲皇太后。宮曰慈訓。廢帝卽位。后爲太皇太后。光大二年。后下令黜廢帝爲臨海王。命宣帝嗣立。大建元年。復爲皇太后崩。年六十五。

後主卽位。尊宣帝柳皇后爲皇太后。宮曰弘範。陳亡



入長安。隋大業十二年薨于東都。年八十三。  
後魏太武卽位。尊明元杜皇后爲皇太后。封后弟爲  
遼東王。真君元年崩。詔天下大臨三日。別立后寢廟  
於陵所。

文帝卽位。尊文成馮皇后爲太后。帝年十二。居諒闇。  
丞相乙渾謀逆。后密定策誅之。遂臨朝聽政。內行不  
正。寵李奕等。獻文誅奕。遂害獻文。孝文時。尊曰太皇  
太后。復臨聽政。孝文雅性孝謹。事無巨細。一稟於太  
后。后多智猜忍。能行大事。十四年崩。年四十九。孝文  
行三年喪。魏獻文帝好黃老浮屠之學。雅薄富貴。常

有遺世之心。欲禪位於京兆王子推。羣臣固諫。任城  
王雲曰。陛下方隆太平。臨覆四海。豈得上違宗廟。下  
棄兆民。且父子相傳。其來久矣。陛下必欲委棄塵務。  
則皇太子宜承正統。中書令高元曰。願陛下上思宗  
廟。託付之重。追念周公抱成王之事。帝曰。然則立太  
子。群公輔之。有何不可。乃傳位於太子。下詔曰。朕希  
心玄古。志存澹泊。爰命儲宮。踐升大位。朕得優游恭  
已。栖心浩然。群臣奏曰。昔漢高祖稱皇帝。尊其父曰  
太上皇。明不統天下也。今皇帝幼冲。萬機大政。猶宜  
陛下總之。謹上尊號曰太上皇帝。從之。上皇徙居崇



文獻通考 卷之三百五十一  
光宮采掾不斷。土堦而已。國之大事。咸以聞。崇光宮  
在北苑中。又建鹿野浮屠於苑中之西山。與禪僧居  
之。五年崩。

明帝卽位。尊宣武高皇后爲皇太后。尋爲尼。居瑤光  
寺。非大節慶不入宮中。時天文有變。靈太后欲以后  
當之。遂暴崩。天下寃之。喪還環光佛寺。殯皆以尼禮。  
明帝尊母胡光華爲皇太妃。後尊爲皇太后。臨朝聽  
政。猶曰殿下。後改令稱詔。群臣上書曰。陛下自稱曰  
朕。以明帝冲幼。未堪親祭。欲依周禮。夫人與君交獻  
之義。代行祭禮。禮官博議以爲不可。而太后欲以幃

幔自鄣。觀三公行事。重問侍中崔光。光便據漢和熹  
鄧后薦祭故事。太后大悅。遂攝行初祀。臨朝淫恣。五  
年爲元義所幽。又六年。誅義。復臨朝。自是朝政疎緩。  
恩威不立。又三年。鳩孝明立。孝文曾孫釗。爾朱榮興  
兵向闕。沉后于河。

齊文宣受禪。尊母婁妃爲皇太后。宮曰宣訓。濟南卽  
位。尊爲太皇太后。密與孝昭及諸大將誅楊愔等。廢  
濟南立孝昭。後爲皇太后。孝昭崩。又下詔立武成帝。  
大寧二年崩。年六十二。

武成卽位。四年。傳位於太子緯。自稱太上皇。又四年




崩

後主卽位。武成既崩，尊武成胡后爲皇太后。后內行不謹，幸和士開及沙門曇獻等。齊亡入周，又恣行姦穢。開皇中殂。

周武帝卽位，尊母叱奴氏爲皇太后。建德二年崩。宣帝卽位，尊武帝后阿史那氏爲皇太后。大象元年，改爲天元皇太后。二年，又尊爲天元上皇太后。宣帝崩，靜帝尊爲太后。隋開皇二年殂。年三十二。又尊母李氏爲帝太后。大象元年，改爲天元帝太后。又尊爲太皇太后。二年，又尊爲天元聖皇太后。靜帝立，尊

爲大帝太后。隋開皇初，出俗爲尼。八年殂，以尼禮葬。宣帝既立一年，傳位於太子闡，自稱天元皇帝。所居稱天臺，冕二十四旒，車旂鼓皆倍於前王之數。每對臣下，自稱爲天，用樽彝珪瓚以飲食，令群臣朝天臺者，齊三日，清身一日，自比上帝。立五皇后，二年而崩。天元崩，靜帝時，楊堅秉政，尊天元楊后爲皇太后。居弘聖宮。堅既受禪，后憤惋愈甚，堅內甚愧之。開皇中，封爲樂平公主。大業五年殂。

靜帝母朱氏。天元崩後，尊爲帝太后。隋初，出俗爲尼。文獻通考卷之二百五十一 終






史記通鑑

掛為樂平公主大業五年取等齊古入周又忍行

聖宮聖祖受軻司罰劫愈甚聖內其助之開皇中  
天示賊續帝執懸聖乘廷尊夫示懸司為皇太司岳  
昏齊三日斷其一日自此上帝立正皇司三手而崩  
臣不自懸為天用懸藥其贊以增食令釋臣降天臺  
蘇夫臺景二十四赫車赫趙皆劫於前王之禮無機  
實帝獨立一手斬於林太子聞自懸天示皇帝西岳  
為大帝太司罰開皇時出谷為風八手取以風甄蔡





Vertical columns of faint, ghostly text, likely bleed-through from the reverse side of the page. The characters are difficult to decipher due to fading and the texture of the aged paper.



